



天津特別市

市立圖書館

藏書之章

文信國公集卷十六

集杜詩

自序

余坐幽燕獄中無所為誦杜詩稍習諸所感興因其五言集為絕句久之得二百首凡吾意所欲言者子美先為代言之日玩之不置但覺為吾詩忘其為子美詩也乃知子美非能自為詩詩句自是人情性中語煩子美道耳子美於吾隔數百年而其

文信國公集

卷十六

集杜詩

一

言語為吾用非精性同哉昔人評杜詩為詩史蓋其以詠歌之辭寓紀載之實而抑揚褒貶之意燦然於其中雖謂之史可也予所集杜詩自余顛沛以來世變人事槩見於此矣是非有意於為詩者也後之良史尚庶幾有考焉歲上章執徐月祝犁單闕日上章協洽文天祥履善甫敘

是編作於前年不自意流落餘生至今不得死也斯文固存天將誰屬嗚呼非千載心不足以語此壬午正月元日文天

祥書

社稷第一



三百年宗廟社稷爲賈似道一人所破壞哀哉

南極連銅柱

送李晉肅入蜀

煌煌太宗業

北征

始謀誰其開

苦熱呈陽中丞

風雨秋一葉

故李光弼司徒

理宗度宗第二

先帝弓劍遠

送譚二判官

永懷倚芳茵

送汝南郡王璣

今朝漢社稷

喜遠行在所

爲話涕沾巾

送司馬入京

誤國權臣第三

似道喪邦之政不一而足其羈虜使開邊釁則兵連禍結之

始也哀哉

文信國公集

卷十六

集杜詩

二

蒼生倚大臣

送韋中丞之晉

北風破南極

北風

開邊一何多

前出塞

至死難塞責

吳侍御江上宅

瀘州大將第四

西南失大將

客居

帶甲滿天地

送遠

高人憂禍胎

山寺

感歎亦歔歔

羌村

襄陽第五

十年殺氣盛

北風

百萬攻一城

遣懷

賊臣表逆節

在在

胡騎忽縱橫

嚴公武

荆湖諸戍第六

長嘯下荆門

春日梓州登樓

朗行速如鬼

塞蘆子

門戶無人持

冰檣

又無人

社稷堪流涕

西閣呈元三十二

黃州第七

始謂虜以襄陽船自漢入江後乃知虜之未渡斬黃已先降
故其渡也襄漢斬黃之船皆在焉

桓桓陳將軍

北征

東屯大江北

行宮張望

化作虎與豹

夏日歎

楚星南天黑

晚登漢上堂

陽羅堡第八

夏貴自陽羅堡之敗順流而下沿江南岸縱兵放火歸廬州

文信國公集

卷十六

集杜詩

三

解甲當是時其心已無國矣似道建督至江上夏貴不得已
出見斬以鬻鼓東南再造之機也失此不圖社稷為墟哀哉

日色隱孤戍

發秦州

大江聲怒號

大雨

朝廷任猛將

又上後園

宿昔恨滔滔

送王砮使南海

京湖宣閫第九

開慶己未江陵闡帥自上而下奔救鄂渚令朱禎孫任宣閫
乃自鄂渚走還岳陽朱與夏通任長江之責一上而一下使

中流蕩然虜安行入無人之境國安得不亡嗚呼痛哉

止當艱難時

送樊侍御漢中

豈無濟時策

遺興

蓮槁荆洲船

悠悠回赤壁 過嶺入洞庭

渡江第十

常時江水風波不可狎，視虜渡江時水乃鏡平。豈非天哉。

濟江原自闊 行次古城泛江
輕船下吳會 逢劉簿弟

南紀收波瀾 岳州縣丞陸宰
吾將罪真宰 劍門

鄂州第十一

先時李雷奮為郡守，十月以臺論罷。至是無正官，張宴然以

城降。金湯重鎮，正風寒中而去。正守當國者，獨何心哉。

鄂渚分雲樹 過南岳入洞庭
春城帶雨長 入行軍六第宅

文信國公集卷十六 集杜詩

惜哉形勝地 懷鎮水居
河岳空金湯 入衡州

江州第十二

戎馬暗天宇 送魏六丈交廣
落日九江流 送李功曹荊州

元惡迷是似 入衡州
化作長黃虵 奉同郭給事

安慶府第十三

岸轉異江湖 過南岳入洞庭
江水流城郭 春日梓州登樓

鷓鴣志意滿 病相
山鬼獨一脚 懷台州鄭戶

魯港之遁第十四

乙未鄂渚之戰，何勇也。魯港之遁，何衰也。人心已去，國事瓦

解營是時惟豪傑拔起首禍之權好無救禍之理哀哉

出師亦多門 後出塞

水陸迷畏途 贈鄭十八賁

躑躅麒麟老 贈射洪李四丈

危檣逐夜烏 過南岳入洞庭

建康府第十五

亭亭鳳凰臺 鳳凰臺

江城孤照日 登牛頭山亭

朝來滿彤宮 在在

驅馬一萬匹 北征

相陳宜中第十六

魯港敗後陳宜中當國首斬殿帥韓震穆遷之議差強人意

宜中實無經綸至秋託故遁歸及不得已十月再來則國事

文信國公集卷十六 集杜詩

五

去矣哀哉

蒼生起謝安 宴王使君宅

翠華擁吳岳 壯遊

可以一木支 水檻

俯恐坤軸弱 青陽峽

召張世傑第十七

京師內空賴張世傑一軍自荆湖至

詔發西山將 送郭中丞

熊虎亘阡陌 贈王思禮司空

笳鼓凝皇情 贈左僕射嚴武

佳氣向金闕 北征

鎮江之戰第十八

張世傑率舟師趨金山約殿帥張彥自常州陸出京口揚州

兵出瓜洲三路交進同日用事既而揚州失期先出取敗常州竟不出世傑多海舟無風不能動江水平虜以水哨馬往來如飛遂以潰敗嗚呼豈非天哉

海潮舶千艘 送王砮使南河 肉食三十萬 昔遊

江平不肯流 暗王使君泛江 到今有遺恨 壯遊

將相棄國第十九

丙子正月十八日虜至高亭山是夜四鼓宜中逃翼日世傑

逃

扈聖登黃閣 贈嚴入閣老 大將赴朝廷 草堂

文信國公集卷十六 集杜詩

胡爲入雲霧 送高司直開州 浩蕩乘滄溟 橋陵韻呈縣官

京城第二十

當亡陷玉座 在在 兩宮棄紫微 詠懷

北城悲笳發 夏夜歎 失涕萬人揮 送盧十四弟

京城第二十一

黃屋朔風卷 故秘監蘇源明 園林殺氣平 送郭中丞太僕

宮殿青門隔 送賈閣老出汝 永懷丹鳳城 送譚二判官

陵寢第二十二

五陵花滿眼 別何色 雨露在草根 閩州東樓

冥冥子規叫 法鏡寺

重是古帝魂 杜鵑

陵寢第二十三

旄頭聿紫微 衡州縣呈陸宰

蚩尤塞寒空 奉先縣

愚智心盡死 聽何氏歌

漂蕩隨高風 遺興

江陵第二十四

高達京湖名將已未解圍鄂 州賈似道許以建節竟不與而

移以與呂文德達怨望久矣 至是為京湖制置以城降宣闡

不能制城初陷宋禊孫仰藥 不得死既而亦降焉

聞說江陵府 陝隘

今是降元戎 客居

文信國公集 卷十六 集杜詩

甲外空鳴鏑 贈王司空思禮

肩輿強老翁 王十五前關會

淮西帥第二十五

夏竦既失長江惟恐督府有 成無所逃罪又恐孫虎臣以後

進為將有功總統出已上日 夜幸其敗覆督府既潰歸廬山

竟不出朝廷屢詔勤王若罔 聞知國亡乃以淮西全境獻北

為已功焉於是貴年八十餘 矣老而不死是為賊其貴之謂

歎

借問大將誰 後出塞

戰骨當速朽 前出塞

逆節同所歸 詠懷

水花笑白首 送王秋實南遊

揚州第二十六

李庭芝在揚州十餘年畏怯無遠謀惟閉門自守無救於國
及景炎登極以為首相乃引兵輕出渡海南歸朱煥尋以城
獻虜哀哉

城峻隨天壁

自帝城

胡來但自守

潼關吏

士卒終倒戟

贈王司空思禮

仰望嗟歎久

九成宮

京湖兩淮第二十七

東南兵力盡在江北金城湯池國之根本高以荊州降夏以
淮西降李死淮東盡失無復中原之望矣哀哉

文信國公集

卷十六

集杜詩

八

荆揚風土暖

秋行宮張望

大城鐵不如

潼關吏

泰山忽破碎

登慈恩塔

流落隨邱墟

五盤

景炎擁立第二十八

予自蘇州歸闕建議出二王於閩廣及虜至二王方出宮蘇
劉義陸秀夫遇二王於溫時陳宜中海船泊清嶼門諸人往
邀之共圖興復益王始建元帥及張世傑自定海至同趨三
山以五月一日益王登極改元景炎

漢運初中興

述懷

扶顛待柱石

入衡州

疇能補天漏

奇岑參

登階捧玉冊

往在

福安府第二十九

崔嵬扶桑日

幽人

開會滄海潮

枯栢渡

傾都看黃屋

送班司馬入京

此意竟蕭條

贈章左丞

幸海道第三十

自三山登極世傑遣兵戰邵武大捷人心翕世傑不為守

國計即治海船識者於是知其陋矣至冬聞警即浮海南去

天下事是以不可復為哀哉

天王守大白

九成宮

立國自有疆

並出塞

舍此復何之

後遊修覺寺

已具浮海航

壯遊

文信國公集

卷十六

集杜詩

九

景炎賓天第三十一

御舟離三山至惠州之甲子門駐焉已而遷宮富場丁丑冬

虜舟來移次仙澳與戰得利尋望南去止碇川景炎賓天蓋

戊寅閏月望日也嗚呼痛哉

陰風西北來

北征

青海天軒輕

送從弟亞

白水暮東流

新安吏

魂斷蒼梧帝

贈秘書監李邕

祥興登極第三十二

戊寅四月十七日衛王登極於碇川

浮龍倚長津

別蔡十四著作

參錯走洲渚

入衡州

蒼梧雲正愁登慈恩塔

初日警復吐法鏡寺

祥興第三十三

六月世傑自礪川北還至崖山止焉崖山乃海中之山兩山相對延袤中一衣帶水山口如門世傑以為形勝安之

南遊炎海甸送魏六丈

沃野開天庭橋陵韻呈縣官

真龍竟寂寞雷

乾坤水上萍衡州送李大夫

祥興第三十四

己卯正月十三日虜舟直造厓山世傑不守山門作一字陣以待之虜人山門作長蛇陣對之二月六日虜乘潮進攻半

文信國公集卷十六集杜詩

日而破死溺者數萬人哀哉

弧矢暗江海草堂

百萬化為魚潼關吏

帝子留遺恨過南岳入洞庭

故園莽邱墟逃難

祥興第三十五

世傑於戰敗後乘霧雨晦冥以數舟遁去

朱厓雲日高遺過

風浪無晨暮懷台州鄭司戶

冥冥翠龍駕雨

今復在何許宿清溪驛

祥興第三十六

初行朝有船十餘艘內大船極多張元帥大小船五百而二

百舟失道久而不至北人乍登舟嘔暈執弓矢不支持又水
道生疏舟工進退失據使虜初至行朝乘其未集擊之蔑不
勝矣行朝依山作一字陣幫縛不可復動於是不可攻人
而專受攻矣先是行朝以游舟數出得小捷他船皆闌浙水
手其心莫不欲南向若南船摧鋒直前闌浙水手在北舟中
必爲變則有盡殲之理惜世傑不知合變專守法嗚呼豈非
天哉

六龍忽蹉跎

別唐十五誠

川廣不可泝

送汝陽王璣

東風吹春水

送程錄事

乾坤莽圃互

懷台州鄭司戶

文信國公集

卷十六

集杜詩

十一

祥興第二十七

幽燕盛用武

昔遊

六合已一家

後出塞

眼穿當落日

喜達行在

滄海有靈查

喜晴

祥興第二十八

客從南溟來

客從

黃屋今在否

留別張使君

天高無消息

聞人

未忍卽開口

述懷

祥興第二十九

南嶽配朱鳥

望北

地軸爲之翻

晦日尋崔巖

皇綱未爲絕

北征

雲臺誰再論

覽柏中丞官制

陳宜中第四十

丁丑冬御舟自謝女峽歸彌川陳宜中船相失莫知所之

管葛本時須別張十三建封

經綸中興業述古

有志乘鯨鼉送王猷使南海

南紀阻歸楫贈李光弼

張世傑第四十一

世傑得士卒云每言北方不可信故無降志閩之再造實賴

其力然其人無遠志擁重兵厚賞惟務遠遁卒以喪敗哀哉

南國卷雲水舟中苦熱

黃金傾有無遺懷

蛟龍亦狼狽溪漲

反復乃須臾草堂

文信國公集卷十六集杜詩

三

張世傑第四十二

長風駕高浪龍門

偃蹇龍虎姿病柏

蕭條猶在否止水遺懷

寒日出霧遲早發射洪

蘇劉義第四十三

蘇京湖老將雖出呂氏乃心專在王室永嘉推戴實建大功

後世傑用事志鬱鬱不得展其人剛躁不可近然能服義終

始不失大節厓山與其子俱得脫亦不知所終

驩驪事天子送高司直

龍怒拔老瀛送韋十六評事

鼓柁視青旻寄薛三郎中

烈風無時休登慈恩塔

會淵子第四十四

會淵子原貶雷州御舟南巡復與政事崖山之敗會欲赴水為蘇父子所留同得脫其家竟沒虜後還五羊有人見其子

雷郎者焉哀哉

子負經濟才 別唐十五

鬱陶抱長策 貽華陽呂少府

安得萬里風 夏夜歎

南圖開羽翰 送滕公入朝

江丞相萬里第四十五

先生居饒州虜入城先封 鄂府驚申池水死其弟萬頃於廳

王被執殺死哀哉

文信國公集 卷十八 集註

星折台甸地 送蘇州長史

斯文去矣休 送王信州佳北

湖光與天遠 通滬

壯氣滄江流 奉同郭給事

趙倅昂發第四十六

虜至池州倅昂發蜀人失 補百經列

風雷颯萬里 大雨

大江翻我前 水會渡

青衿一憔悴 衡州縣學

名與日月懸 陳拾遺故宅

將軍王安節第四十七

常州敗虜生獲王安節不屈而死虜謂過江以來武人忠義

者惟王安節一人安節乃節度使王堅子也

烈傷雄才 金中書觀

驚張汗血駒 蕭張廷封

李安撫帶第四十八

肯齋先生新入萬壽衡陽

起先生為伏先生倉卒運

人乃自焚死哀哉

殺氣吹沉湘 入衡州

城中賢府主 譚伐木

李制置庭芝第四十九

文信國公集 卷十六 集杜 詩

庭芝得爰立之命引兵至

芝被執誅於揚州市雖無

空留玉帳衛 送嚴公

死者長已矣 石壕吏

姜都統才第五

淮東猛將揚州前後三戰皆其人也及秦州破被執虜愛其

才勇睽以官爵不肯降罵諸負國者臨刑含血以噴罵虜不

絕口其並風義烈准人言之無不傷歎惜哉

屹然強寇敵 贈王司

古人重守邊 後出塞

直氣橫乾坤 別李義

見此忠孝門 拍忠丞降官制

乙亥留夢炎為潭帥夢炎歸相始

猝城守其備及城陷先生殺其家

高興激荆衡 李入判官

千秋萬歲名 夢李白

秦州為虜所困秦州孫九賣城庭

功於國一死為不負國矣

那免口頭翁 陪章留校

淮海生清風 送高司直

惜哉功名性薛大伴

死亦垂千年義鵬

張制置珪第五十一

蜀之健將原與咎萬壽齊名咎降張獨不降行朝擢授制置
未期得拜命否蜀雖糜碎珪竟不降為左右所賣珪覺而逃
遁被囚鎖入北不肯屈後不知如何

氣敵萬人將揚監畫鷹

獨在天一隅遺懷

向使國不亡九成宮

功業竟何如別張建封

陸樞密秀夫第五十二

字君實文筆英妙自維揚幕入朝京師陷永嘉推戴有力及

文信國公集卷十六集杜詩 五

駐佳山兼宰相代朝廷事皆秀夫潤色綱紀之佳山陷與全

家赴水死哀哉

文彩珊瑚鉤奉同郭給事 淑氣含公鼎張九齡

炯炯一心在嚴武 天水相與永漢陝西南臺

勤王第五十三

甲戌冬詔天下勤王予守章貢首應詔意同志者常接踵而
奮已而竟無應者予遂以孤軍赴闕世事不濟始由於此哀

哉

出師亘長雲後出塞

盡驅詣闕下往在

首唱恢大義

衡州縣學

垂之俟來者

蘇源明

蘇州第五十四

子領兵赴闕時陳宜中歸永嘉留丞相夢炎當國夢炎意不相樂出予以制闕守吳門尋以獨松事急陳丞相留丞相陳樞密文龍連書趣還宿衛子不得已行未幾姑蘇陷哀哉

噓噓闔門北

北遊

朱旗散廣川

錢表二端

帶莽悠悠

送韋十六評事

慘淡陵風煙

草堂

拜相第五十五

子自吳門還遺守獨松成餘杭丙子正月初二日除知臨安

文信國公集

卷十六

集杜詩

六

府辭不拜引輕兵至闕陳大義不得見十八日宜中逃次日

早予除樞密使午拜丞相樞密使都督諸路軍馬然事已無

及無可奈何矣子不敢當亡國之名惟有危難捐軀而已

我來屬時危

九成宮

朝野色枯槁

送長孫侍御

倚君金華省

張九齡

不在相逢早

贈射洪李四丈

出使第五十六

初宜中蒙蔽外庭如遣使北軍求議和約見伯顏於長安堰

己而不知約故虜徑至高亭山要以相見宜中遂逃上下皆

莫知其詳子既辭相印不拜遂奉上命以議和為名在虜營

虜強以降余見伯顏開陳大義詞氣慷慨虜頗傾動尋留不遣而丞相吳堅右丞賈餘慶同知樞密院謝堂以下竟自納款余責伯顏留使失信及數虜罪惡以死自誓而一無所及矣痛哉

隔河見胡騎

前出塞

朝進東門營

後出塞

皇皇使臣體

寄崔部事

詞氣浩縱橫

春陵行

發京師第五十七

自國都失守應降表及行下省札播告歸附皆不敢使余聞知予居虜中欲求速死虜衛守甚嚴務爲塗塞耳目二月八

文信國公集卷十六

集杜詩

十七

日大臣吳堅賈餘慶家鉉翁劉岳皆以祈請使爲名下船詣北庭虜忽驅余並行余不肯往被其掙迫不得已行至謝村幾遁去

東下姑蘇臺

壯遊

揮涕戀行在

北征

蒼茫雲霧浮

發秦州

風帆倚翠蓋

幽人

去鎮江第五十八

余至京口北行有日矣余欲引決同行士杜澂日且遁逃不獲死未晚也遂謀走真州時江中皆北船偶物色一空船在虜籍外捐重賞約之二月晦日夕一更後子約同行十一人

潛出邸挾刃自隨不濟則自殺幸而安行無虞遂泝流而上
虜船繇耳江上幾不得出三月朔抵真州今而後喜可知也

京口渡江航

送詩八十遺

窮途仗神道

送魏六丈

蕭條向水陸

入衡州

雲雨白浩浩

送長孫侍御

至真州第五十九

余至真州登城四望徘徊感歎守苗再成慷慨有志畧聞余
言踴躍思奮余卽作書報制閫李庭芝及約淮西夏貴又作
諸州太守書約以興復苗守遣人四出導意兩日夕與余講
進取方畧使天命祚宋是行也中興之機也一人狐疑事乃

文信國公集

卷十六

集杜詩

六

大繆惜哉

萬里長江邊

送高司直

去國同王粲

逢泉驛

青山意不盡

上牛頭寺

皇天照嗟歎

舟中苦熱

行淮東第六十

李芝庭聞余至真州以爲來說城遣使數十輩來湜殺子苗
再成不肯然不得不出子以自白以上己日給余出城門閉
城不答余欲赴濠死未幾苗遣五十人送行行五十里布刃
於野詰問甚久使一語可疑卽爲草間血矣其人信余言爲
之歎惋送至州境夜至揚州西門欲扣城入前却數四四人

逃去余與七人走荒野空屋中是日虜萬騎自屋後過幸而
苟免自是變姓名趨高郵初五夜行屢迷失道且虜哨各烏
獸竄伏縛去一人殺傷一人又幸喜脫余時日夜在死亡中
驚喘危懼飢餓無聊人生逆境有如此者哀哉

客子中夜發

赴奉先縣

月照白水山

彭衙行

悲辛但狂顧

懷鄭十八

浩蕩前後聞

清談

白淮歸浙東第六十一

余高郵道中遇哨得脫行數十里匍匐不能行幸遇村夫僱
倩籬擡入郡又有被傷者扶持強行血衣淋漓見者傷惜初

文信國公集

卷十六

集杜詩

九

七日至郡地分官盤詰甚至稱制置司有報文丞相來說城
一合一路覺察不緇爾來人余等既變姓名地分官見有傷者
不疑聽下船去沿途厯盡艱險得至秦州城下伏十餘日趨
通州自下船後哨騎或隔五里或隔十里驚惶連日達通州
城反覆詰問數日不納不得已從地分官吐實語太守楊思
復遂得覆護至圃子內大舟中然後以海舟送歸浙東船中
遇風波屢覆又遇賊追逼數四是行寄一庄於萬死不復望
見天日至永嘉惟存六人

北走驚險難

彭衙行

十步一回首

相從獻

碧海吹衣裳

又正後山嶺

折馬出南斗

別張使君

至福安第六十二

益王以天下兵馬都元帥衛王以副元帥建號於永嘉隨趨
三山開府子四月八日到永嘉則元帥舟去已一月矣亟使
副守李珣驛報行府陳丞相即遣人來議擁立事余深贊大
議五月一日登極予以觀文殿學士侍讀召赴行在二十六
日至行都即再相然國方草創陳宜中尸其事專制於張世
傑余名宰相徒取充位遂不敢拜議出督

握節漢臣回

鄭駟馬

麻鞋見天子

述懷

文信國公集

卷十六

集杜詩

三

感激動四極

嚴武

壯士淚如雨

聽楊氏歌

福安宰相第六十三

余至通州地分官以御置司文移爲說甚作難阻余不得已
吐實以通楊帥守思復乃云謀報許浦有馬跟尋文丞相甚
信余言不直制司子然後得楊守存恤遂遵南歸及過明州
東門有列岸數百艘初不知爲虜把隘船也後問之東門道
士云是日虜頭只見船過問左右曰此何船皆以漁船對遂
得善去嗚呼危哉楊守爲余言欲得海船數百艘當約許帥
文德擁兵勤王慨然有普濟之志子至永嘉則詳報陳丞相

不以爲信乃遣毛浚之通州而不以告余浚至通州守閫子
何以無書遂發怒浚幾不免浚出而通遂降虜矣惜哉

紛然喪亂際

相中允制

反覆歸聖朝

鄭虔

秉鈞孰爲偶

贈李八判官

扶顛永肅條

李光弼

南劍州督第六十四

始余至永嘉留一月候命永嘉及白處豪傑皆來自獻願從
海道作戰守規模予至福安欲還永嘉謀進取廟謨不以爲
然遂議開督於廣廣陷乃出南劍開府聚兵財爲收復江西
計於時幕府選辟皆一時名士宜中既棄臨安及三山登極

文信國公集

卷十六

集杜詩

三

欲倚世傑復浙東西以自洗濯所以阻予永嘉之行後取定
海兵敗李珣爲制閩衆方思用子悔已不及惜哉

劍外春天遠

送班司馬入京

江閣鄰石面

簡嚴雲

幕府盛才賢

次古城店

意氣今誰見

白馬

汀州第六十五

子在劍朝廷騁趣之汀十月行十一月至汀州而福安隨陷
車駕幸海道矣事會之不濟如此哀哉

雷霆走精銳

送樞密侍御

斧鉞下青冥

送李大夫

江城今夜客

出郭

慘淡飛雲汀

薛判官

梅門第六十六

予至汀汀守可疑汀兵非素所拊循寇兵自贛自劍衣至丁
丑正月行府遂引兵趨漳州龍巖謀大衛漳湖道阻三月入
梅州時麾下頗不循法斬二都統軍政一新焉

樓角凌風迥

東樓

孤城隱霧深

野望

萬事隨轉燭

佳人

秋光近青岑

伐木

贛州第六十七

五月引兵自梅出嶺時贛吉兵皆來會六月大捷於零都進
攻興國縣縣返正於是駢屯遣大兵攻贛州又以偏師出吉

文信國公集

卷十六

集杜詩

三

州贛諸縣皆復虜號令惟行於城中吉水永豐萬安永新龍
泉以次皆復臨洪袁瑞莫不響應詣軍門請約東者相繼興
國黃州新復皆來請命汀州有偽天子黃從斬首至府上下
翕合氣勢甚盛天若祚宋則是舉也幸而一捷國事垂成之
候也

醜觸穢氣無

引遊

灑血暗郊垣

薛判官

長旂映萬里

花門

石壁斷空青

西閣

江西第六十八

若嘉... 戰于鍾步不刊取贛兵不幸相繼而敗

行府孤立時處置安撫鄒
瀾聚兵數萬在永豐境行府引兵
就之會其軍亦潰而虜自
後追及不可支雖人謀之不臧殆
天意之未順每一念此氣
殫欲絕哀哉

東望西江水 第觀

高義在雲臺 建封

到今用鉞地 草堂

霜鴻有餘哀 金華山

江西第六十九

旄頭初傲擾 將適江陵

義士皆痛憤 草堂

乾坤空睜睜 畫鵲

獨者留遺恨 空靈岸

復入廣第七十

文信國公集 卷十六 集杜詩

行府敗於江西收散兵復入汀尋出會昌入安遠趨循州是

冬屯南嶺戊寅二月出惠州海豐縣駐於麗江浦徧遣門使

沿海訪問車駕六月翠華至匡山行府移船澳八月進小保

信國公職任依舊行府欲赴闕張世傑阻隔於中不果行

東浮滄海濤 薛郎中

南為祝融客 詠懷

漂轉混泥沙 柴門

迫此短景急 龍門

駐惠境第七十一

朱鳳日威垂 北風

羅浮展長步 詠懷

北風吹葉散 秋行宮張望

送此鬢髮暮 雨

駐潮陽第七十二

十月引兵趨潮陽甯平羣盜人心翕然

寒城朝煙淡 吳侍御宅

江沫擁春沙 遊遊

羣盜亂射虎 雷

圓首白日斜 喜鵬

同府之敗第七十三

十一月謀報虜大衆至漳泉度勢不敵移屯將趨海豐爲殭

騎追及於中道時行已數日不爲備倉卒潰散遂被執

送兵五千人 北征

散卒盡雨靡 種蕩臣

留滯一老翁 庸

蓋棺事則已 奉先縣

文信國公集

卷十六

集杜詩

詩

行府之敗第七十四

自國難後行府白子起兵展轉忠難東南跋涉萬餘里事不

幸不濟然臣子盡心焉爾矣成敗天也獨奈何哉

翠蓋蒙塵飛 詠樓

仗鉞奮忠烈 北征

千秋滄海南 張九齡

事與雲水白 王忠履

南海第七十五

余被執後卽服腦子約二兩昏眩久之竟不能死及至張元

帥所衆脅之跪拜誓死不屈張遂以客禮見尋置海船中守

護甚謹至厓山令作書招張世傑手寫詩一首復命末句云

人生自古誰無死，留取丹心照汗青。張不諱而止，厓山之敗，親所目擊，痛苦酷罰，無以勝堪。時日夕謀照海而防閉不可出矣。失此一死，困苦至於今日，可勝恨哉。

開帆駕洪濤

遺遇

血戰乾坤赤

送李判官

風雨聞號呼

草堂

流涕灑丹極

別蔡著作

南海第七十六

南海春天外

送段功曹

祗應學水仙

舟中

自傷遲暮眼

寓日

爲我一潸然

李漢君

至廣州第七十七

文信國公集卷十六

某杜詩

孟

自厓山至五羊壯哉，都真形勝之國也。往年虜平其城收復，後不能完整爲守國計，哀哉吾國之無人乎。

南方瘴癘地

雷

白馬東北來

馬

長城掃遺堞

李光弼

淚落強徘徊

齊謝馬樓臺

至南安軍第七十八

予四月二十二日離五羊，五月四日出梅嶺，至南安軍，鑰置舟中，予不食，擬至廬陵，得瞑目，庶幾首邱之義云。

短日行梅嶺

吳李常侍

天門鬱嵯峨

蜀唐誠

江西萬里船

春夜留臬

歸期無奈何

河將軍山林

過 第七十九

盤峒地無軸 送從弟亞

萍漂忍流涕 入行軍六 第宅

江山雲霧昏 即李茂
故里但空存 一書本

不至吉州第八十

掛飄遠色外 雨

枯柏渡

烏暗 秦州

江東 蕭蕭

第八十一

泊湘江岸 課伐木

身輕一鳥

歌長 檣鼓

請為安老歌 光村

集杜詩

我生 昔飄零

文選公集卷十六

書州第八十二

戚戚去故里 前出塞

但見西嶺青 楊

回身視綠野 送李校書

過臨江第八十三

自離南安軍五日而

至加陵七日過臨江八日

不食未見其始眾以

飲食交相逼 子念

望委命荒蕪立節不

自且聞營中金陵郡中

隕自天未可知也遂

復飲食勉狗象情初

一行無禮掩鼻以灌

至是遂止乃知夷

處荒山故得行其志耳

獨帆如飛鳴 贈蘇侯

清江轉山急 早發射洪

回首白雲多 何將軍山林

山寒夜中泣 龍門鎮

過隆興第八十四

隆興自陷沒後忠義奮起幾於正屠滅殆盡過而傷之

臨江久徘徊 山寺

再讀徐孺碑 張九齡

交遊颯向盡 饒裝二端公

到今者舊悲 海橋

江行第八十五

畏途隨長江 白沙渡

萬里滄茫水 憶鄴南眺

文信國公集

卷十六 集杜詩

遊子去日長 成都

壯心不肯已 戲贈友

江行第八十六

江水東流去 陪王侍御宴

浮雲終日行 夢李白

別離經死地 鄆騎馬池

飲啄愧殘生 草堂

江行第八十七

蕭蕭白楊路 李邕

死人積如邱 遺興

大江東流去 成都

蒼山旌旆愁 韋諷事

江行第八十八

連山暗烽燧 送從弟亞

川谷互橫流 送樊侍御

彈泪臨大江

送李鍊

上有行雲愁

遣興

江行第八十九

六月六日過隆興十二日至金陵四邸八月二十三日渡江

北行事會多有可慨尙何言哉

朔風飄胡雁

遣興

江城帶素月

聽楊氏歌

安得覆八溟

客居

滂沱洗吳越

喜雨

北行第九十

八月二十六日至揚州九月初一日哭母小祥於邗門外初

九日至徐州弔項羽故宮地登黃樓臺讀子由賦十二日至

文信國公集

卷十六

集杜詩

三

沛縣縣有歌風臺十五日至東平府十七日至高唐州十八

日過平原二十日至河間府三十一日至保定府

浮雲暮南征

前出塞

我馬向北嘶

白沙渡

荆棘暗長原

園官送菜

子規晝夜啼

客居

北行第九十一

清秋望不極

野望

中原杳茫茫

成都

游子悵寂寥

枯柏渡

下馬古戰場

遣興

北行第九十二

浮雲連海岱

兖州城樓

寒蕪際碣石

出遊

落景惜登臨

杜侍御江樓

人煙渺蕭瑟

北征

北行第九十三

平野入青徐

兖州城樓

桑柘葉如雨

昔遊

信美無所適

成都

沉思情延伫

雨

北行第九十四

乾坤幾反覆

蘇侍御漢

乘凌惜俄頃

漢破西南臺

懷古視平蕪

遣懷

令人發深省

奉先寺

北行第九十五

游子無根株

贈李四丈

世梗悲路澀

送程錄事

文信國公集卷十六

集杜詩

完

關山雪邊看

秋行宮張望

愁思胡笳夕

喜達行在所

至燕城第九十六

十月一日至燕城越五日送千戶所枷禁十一月初一日疏

枷初九日領赴北庭引問余不跪抗詞不屈尋復還獄待死

以至今日云

往在西京時

往在

胡星墜燕地

別唐誠

登臨意惘然

登惠義

千秋一拭淚

酬薛判官

至燕城第九十七

浩蕩想幽冀

夏日歡

行行郡國

野望

天寒落葉正 回首向風颺 官定後戲贈

至燕城第九十八

百年不敢料 龍門閣 先後無醜好 遣興

絕境與誰同 送表二 飄泊南庭老 舟中

大獄第九十九

陰房鬼火青 玉華宮 白日亦寂寞 昔遊

自非曠士懷 登慈恩塔 居人莽牢落 送樊侍御

大獄第一百

天黑閉春院 大雲詩 今如置中免 懷鄭司戶

文信國公集 卷十六 集杜詩

人間夜寥閤 衣聽許十一誦詩 永日不可暮 夏夜歎

大獄第一百一

行行見羈束 寫懷 斯人獨憔悴 夢李白

欲覺聞晨鐘 遊奉先寺 青燈死分髻 宿鑿石浦

大獄第一百二

勞庄共乾坤 寫懷 何時有終極 別贊上人

燈影照無睡 大雲寺 今夕復何夕 贈衛八處士

大獄第一百三

眼前列柵械 草堂 熊掛玄蛇吼 上水遣懷

夜看豐城氣

詠懷

朝光入甕牖

晦月

入獄第一百四

徘徊虎穴上

寄北只上八

吾道正羈束

觀水漲

落日將何如

宴思下亭

清文動哀玉

別薛判官

懷舊第一百五

自百五至百九皆懷念故人爲王事而沒者固多不能盡紀
嗚呼哀哉自百二十六至百三十八皆師友之際同列之情
死生契闊不能自也

風塵淹白日

寄第五

乾坤霾漲海

將適江陵

文信國公集

卷十六

集杜詩

爲我問故人

送高司直

離別今誰在

懷瀾上遊

懷舊第一百六

天寒昏無日

石龕

故鄉不可思

赤谷

訪舊半爲鬼

贈衛八處士

慘慘中腸悲

送方書記

懷舊第一百七

故園花自發

憶弟

無復故人來

昔遊

亂離朋友盡

遣懷

幽珮爲誰哀

雨

懷舊第一百八

故人入我夢

夢李白

相視涕闌干

彭衙行

四海一塗炭

逃難

焉用身獨完

垂老詞

懷舊第一百九

中夜懷朋友

宿清溪驛

百年見存沒

鄭公虔

風吹蒼江樹

雨

寒月照白骨

北征

金應第一百一十

承信郎路分金應原備筆札使令性剛知義隨勤王入京余

陷虜左右星散惟應無叛去志在鎮江得同脫狼狽淮東備

嘗艱苦至通州以憂鬱病死葬城下哀哉

追隨三十載

送顧文學

艱難愧深情

羌村

文信國公集

卷十六

集杜詩

三

何處埋爾骨

鹿頭山

呼號傍孤城

懷鄭司戶

張雲第一百一十一

路鈴張雲原吉州敢勇將官隨闡勤王余既陷虜張雲引兵

自募建劍汀歸里虜已據吉城雲不勝憤七月引所部襲虜

於南柵門擊殺甚眾本為散退之計會天明戰渴赴江飲水

尋被衝溺死使能少忍當為吾用哀哉

痛恨寄所宣

義鵬行

四方服勇決

北征

壯士歛精魂

客居

里巷猶嗚咽

趙奉先縣

劉欽貞元第一百一十二

字敬德吉州貢士素有志氣好功名上下今古健於議論余
開府汀城敬德來甯都就招諭使鄒泐會虜暴至竟死亂兵
中同時死者鞠華叔顏斯立顏起巖皆郡之英俊能爲時立
事功者天生人才若此曾未施一技速折乃爾哀哉

文章日自負 蘇公源明

去家死路傍 上後園山脚

高視見霸王 劍門

感子故意長 贈衛八處士

呂武第一百一十三

環衛官呂武太平人面旗爲軍余陷虜應募隨從北行其人
勁烈而折人觸忌諱不避然忠鯁人皆服之余與同脫鎮江

文信國公集

卷十六 集杜詩

三

行淮東患難中賴以自壯及開府南劍遣具結約江淮道尋
阻武間關數千里卽余於汀梅挺身寇寨化賊爲兵方將將
數千人出江西以無禮於士大夫遭橫逆死死之日一軍爲
流涕哀哉

疾惡懷剛腸 壯遊

世人皆欲殺 不見

魂魄猶正直 南池

回首肺肝熱 鐵堂峽

鞏宣使信第一百一十四

團練使都統招諭使鞏信荆湖老將沉勇有謀奉朝命引所
部隨府予自興國趨永豐虜追在後於東岡方石嶺下大戰

信據險堅立不動中數箭死土人葬之如生尋奏贈清遠軍

承宣使立廟戰所而迄未有以慰忠魂也哀哉

壯士血相視嚴公武

斯人已云亡楊監草書圖

哀哀失木狝吳侍郎江上宅

夜深經戰場北征

張秘撰汴第一百一十五

秘閣修撰廣東提舉督府參謀張汴蜀人嘗為二吳客佐荆

湖幕習兵事予自穎勤王汴即入幕開督後領袖一府知無

不為空坑之敗秘撰易軍士早衣伏草中死亂兵後鄒處置

得其尸棺斂焉哀哉

文信國公集

卷十六

集杜詩

入幕旌旗動

別魏侍郎

揮翰綺繡揚

汝陽王璣

煙霧蒙玉質

赴奉先縣

斯人今則亡

遺興

繆朝宗第一百一十六

環衛官知梅州繆朝宗淮人有意氣嘗為常熟邠氏客從余

於平江予歸福安自婺間道來相從精練幹實孜孜奉公軍

府器械悉出其手空坑之敗自經於山間哀哉

空荒咆熊羆

課伐木

摧殘沒藜莠

枯稷

平生江海心

破船

其人骨已朽

喜晴

閩三士第一百一十七

督機秘書謝杞督幹架閣許由督幹架閣李幼節闔士之秀
皆登科杞太學名士空坑之敗不知所終哀哉

俊逸參軍

憶李白

優游謝康樂

石櫃閣

豺虎正縱橫

久客

南行道彌惡

青陽陝

諸幕客第一百一十八

督府架閣吳文煥督遣林棟等皆闔士有幹實宣勞幕府空
坑之敗被執尋遇害哀哉

入幕未展才

贈李八判官

辛苦在道路

送高司直

回首一茫茫

送李判官

風悲浮雲去

遣興

文信國公集

卷十六

集杜詩

五

趙太監時賞第一百二十九

直寶章閣軍器太監督府參議官江西招討副使趙時賞宗
室有志氣首宰旌德以一縣抗虜數有功京師陷入闕行朝
擢知邵武軍以棄城罪去自余開督隨府典兵數將偏師以
當一面神采明雋議論慷慨空坑之敗走之吳溪尋被執於

隆興遇害哀哉

豪傑貴勳業

送殿中楊豐

宗支神堯後

贈李八判官

平生白羽扇

嚴武

鬱結回我首

述懷

劉沐第一百二十

宣教郎督府機宜帶行大府寺簿劉沐字淵伯子鄰曲別友
從勤王補官予陷淵伯領諸軍還及予歸國淵伯收部曲赴
府會於汀專將一軍爲督帳親衛沉實有謀圓機應物凡江
西忠義皆淵伯所號召晝夜酬應精力不倦會病劇乍起空
坑之敗不得脫遇害於隆興長子同日刑次子貢元死空坑
亂兵余收其第三幼子亦沒於廣哀哉

王翰願卜鄰

贈韋左丞

嵇康不得死

遺興

落月滿屋梁

夢李白

悲風爲我起

金華山觀

孫栗第一百二十一

文信國公集

卷十六

集杜詩

吳

宣教郎帶行監官告院知吉州龍泉縣孫栗子長妹夫也予
引兵出贛其邑人奉粟以邑返正尋爲親黨所陷遇害於隆

興哀哉

故人有孫宰

彭衙行

義均骨肉地

餞裴二端公

連爲糞土叢

往在

揮手灑衰泪

別建封

彭司令震龍第一百二十二

宣教郎帶行大社令知吉州永新縣彭震龍予次妹夫也性

跌宕喜功名起兵隨勤王及歸郡邑已陷乃結湖南諸峒豪

傑謀興復余出江西卽以縣返正虜遣軍攻之其親黨內應

被執遇害於郡城哀哉

堂上曾親戚

送李校書

可憐馬上郎

白馬

神吟更流血

北征

干戈浩茫茫

南池

蕭從事燾夫第一百二十三

從事郎蕭燾夫永新人工詩與字從予山中人其兄敬夫詩

尤豪俊亦嘗客吾門燾夫從勤王得官及歸贊彭司令收復

鄉邑規以正道予至興國詣府白事意氣慷慨邑城陷兄弟

俱不免哀哉

灑翰銀鈎連

陳拾遺家宅

翩躚山顛鶴

西關驛日

文信國公集卷十六

集杜詩

三

慘淡圖龍蛇

喜晴

及茲歎冥漠

青陽硤

蕭架閣第一百二十四

督幹架閣監軍蕭明哲字元甫吉州貢士性剛毅遇事有膽

氣明於大節予至汀梅來從督府幕及出江西監贛縣義兵

收復萬安縣尋復龍泉行府敗元甫入野陂連縉諸寨拒虜

被執死於洪哀哉

諸生舊短褐

橋陵

張目視寇讐

送韋諱

高義終焉在

送王信州

自謂更何憂

得弟書

陳督幹第一百二十五

督幹監軍陳子敬穎人以資力雄鄉里舊從子遊行府至汀
子敬招集義兵置屯阜口以據贛下流以遏虜船往來及行
府攻贛子敬行其謀功效甚著行府敢舉兵黃塘連結山寨
不降重兵襲潰不聞所終哀哉

挺身艱難際

送韋評事

虎穴連里閭

課伐木

高天意悽惻

送韋評事

同盡隨邱墟

謂文公上方

陳少卿第一百二十六

帶行太府少卿福建提刑詹府參議官陳龍復泉州老儒號
清波先生丙辰登科沈厚樸囊有前輩風流平生所惡州縣

文信國公集

卷十六

集壯詩

三

皆以清儉著名余開府南劍辟入幕老成重一府尋遣往漳
潮計事行府自江南再入廣先生聚兵循梅來會後分司潮
陽應接諸路四方豪傑翕然響應積糧治兵行府由是趨潮
陽及移屯爲虜所迫襲先生遂不免時年七十二矣哉

卯月昇金掌

江陵送高天隱

老氣橫九州

送韋評事

前輩復誰紀

李公逸

吾道長悠悠

發秦州

部題置第一百二十七

兵部侍郎江東西處置副使督府參贊軍事鄒淵字鳳叔吉
永人慷慨有天志以豪俠行臺郡間從子勤王補武資主將

軍景炎換文以寺丞領江西招諭副使聚兵甯都氣勢甚盛甯都被執變姓名爲卜者虜不知其爲招諭使也入贛城得脫尋聚兵永豐興國間行府奏授江西安撫副使統兵數萬攻興國縣尋會行府至縣返正別軍復永豐進授江東西處置副使屯兵永豐境上以烏合一日而潰行府失助於是有空坑之敗哀哉

東郊暗長戰

吳侍御江上宅

死地脫斯須

將適江陵

庾公興不淺

張九齡

居然屈壯圖

別蘇溪

鄒處置第一百二十八

文信國公集

卷十六

集杜詩

五

行府再入廣 奏以公充都督府分司置司永豐興國間接應江諸虜自隆興遣大兵攻襲公萬死一生備經艱難竟得脫引江西兵入廣會行府於潮陽及移屯公爲殿事出不虞虜至擊火急自剄於南嶺諭十日死是行公所將皆江西預目以取行府爲名使行府入江西十萬衆立辦天之未啟中興也奈何公有子甚俊先卒家人散失無餘公嘗謂子欲富田鄒氏子爲嗣不果至是絕哀哉

方常用節

中允

不返舊征魂

東樓

淒涼餘節

送郭中允

交聲爲爾存

別李義

劉監簿第一百二十九

宣教郎帶行軍器監簿督府機宜劉子俊字民章晉鄉之傑也嘗領漕賈余開督興國民章來計事行府敗民章收兵於洞源接應諸郡縣尋引軍入廣道遇虜潰亡未幾西招集與鄒處賢同詣行府會於潮陽越二十日而行府敗民章執莫知所終哀哉

艱難奮長戰

潼關吏

高義薄行雲

晝街行

死為殊方鬼

客堂

三夜頻夢君

夢李白

劉監簿第一百三十

文信國公集

卷十六

集杜詩

早

秀氣衝星斗

贈李八丈

壯筆過飛泉

李十五丈

舊遊易磨滅

汝陽王璣

魂傷山寂然

妻子入蜀

蕭資第一百三十一

闔門路鈐蕭資本書吏也小年給使令稍長通文墨圓機善處事性和厚上下信愛予家先避地入廣資於患難中扶持盡力及行府江西之敗衛護大夫人全督府印有功後在兵間兩和諸將應府中碎務皆其領攝腹心之良也潮陽移屯道遇虜資以病體被害哀哉

王當風雲會

病相

謝爾從者勞

遣興

感恩義不小 送盧侍郎

魂獨委蓬蒿 送王欣

杜大卿許第一百三十二

司農卿廣東提舉招討副使督府謀官杜許字貴卿丞相立齋之姪也性剛猛為游俠京師予北行許願資鎮江之脫許之力也匍匐淮甸衛護艱虞忠勞備盡嗚呼可謂義士

昔沒賊中時 送韋評事

中夜聞道歸 後出塞

辛苦救衰朽 遭田父泥飲

微爾人盡非 北征

杜大卿許第一百三十三

許從予南還佐府南劍壽遣往台溫招集兵財福安陷相失

文信國公集卷十六 集杜詩

望

許趨行朝久之奉朝命至行府值江西之敗又與跋涉艱難

者年餘及行府移屯潮陽許護海舟尋趨厓山與行府遂隔

及厓山潰許并陷焉余至五羊許來見病無復人彩在虜網

羅中無所容力尋聞死焉哀哉

高隨海上查 夜宴 子豈無扁舟 寄薛郎中

白日照執袂 送樊侍御 埋骨已經秋 破賊

徐榛第一百二十四 詩關

正將徐榛温州人其父官湖北榛往省迷失道歸行府後生精練以筆札典機密小心可信予被執榛得脫自惠州來五

羊願從北行扶持患難備殫忠款道病至豐城死焉

林檢院琦第一百三十五

宣教郎督機檢院林琦閩士余屯餘杭時琦結集諸山忠義捍禦海道得官及南劍開府琦來外有文采內甚忠實數隨患難營而不怨及行府湖陽之敗琦不能脫虜屯惠境逃去尋又被獲虜遇之不以禮至建康病死虜自謂琦不肯自愛如於沿道浸水務自殘滅之類琦可謂不降其志者矣哀哉

時危挹佳士

貽柳少府

慘淡隨回鶻

北征

佯狂真可哀

不見

死淚終映睫

李光弼

文信國公集

卷十六

集杜詩

望

曾先生第一百三十六

秀峰曾先生鳳子師也太學釋褐累遷監丞會京師亂走衢衢尋陷及景炎登極衢添倅蕭雷龍首倡返正先生自衢來劍隨行府之汀丁丑春以梅州添差通判將行會行府移屯先生挈家避地於汀之鄉落六月以病死其子三貴自吉來奔喪不能返喪率其一家歸至瑞金三貴復病死於道先生妻亦卒惟女在不知所之先生遭值虜難以清文粹德一不施於世流落以死家乃俱喪哀哉

江海日淒涼

遺興

賢聖盡蕭索

西關

西河共風味

衡山縣學

顧步涕橫落

郭氏公故

鄧禮部第一百三十七

光薦字中甫予郡人自虜度嶺及廣陷避地深山適強寇至
妻子兒女等匿暗室寇無所睹焚其居十二月同時死中甫
隨駕至厓山除禮部侍郎己卯春除學士院權直未數日虜
至厓山潰中甫赴海虜舟拔出之張元帥待以客禮與余俱
出嶺別於建康嗚呼中甫禍難之慘不減予而獨免北行幸
而脫歸爲管甯爲陶潛不亦善乎

南宮吾故人

別唐誠

才名三十年

簡鄭景文

文信國公集

卷十六

集壯詩

聖

江城秋日落

贈侍郎四舅

此別意蒼然

送韋書記

家樞密鉉翁第一百三十八

則堂先生家鉉翁蜀名家有學問舉動必以禮朝中老成典
型也當國都不守先生發書樞密見虜持正議左丞相吳玠
右丞相賈餘慶以省札遍告天下令以城歸附先生不押字
虜自省中脅以無禮公不爲動竟末如之何後以祈請使爲
名羣詣北庭既至上書申祈請之議忤北庭意留燕邸已而
移漁陽又移河間如我朝羈置特官給飲食而已余過河間
得一二相見先生風采非復宿昔而忠貞儼然使人望而知

敬嗚呼其可謂正人矣

出處同世網 鄭公虔

高誼邁等倫 別蔡著作

異方驚會而 送韋別駕

慰此真良臣 寄唐使君

墳墓第一百三十九

予甲戌春自衡陽憲節歸赴贛州省拜墳墓及乙亥五月奔
祖母喪至門以起復六月望日出從戎事與宗族鄉黨永訣

別離已五年 贈蘇四

不及祖父塋 後園山廡

霜露晚淒淒 出郭

痛哭松風迴 北征

文信國公集 卷十六 集杜詩

宗族第一百四十

西江接錦城 送李肅

山陰一茅宇 遺興

宗族忍相遺 送崔都水

乾坤此深阻 宿清溪驛

母第一百四十一

先母齊魏國太夫人蓋自虜難後弟璧奉侍赴惠州弟璋從
焉已而之廣之循之梅余來梅州母子兄弟始相見既而魚
軒出江西尋復入廣夫人遊二子間無適無莫雖兵革紛擾
處之怡然戊寅行府駐船澳弟璧仍知惠州弟璋復在侍夫
人藥八月兩國之命下時已得疾九月七日更時薨逝弟璧

卜地於惠循之深山間不肖孤已矣未有返葬夫人期不知
二弟何時畢此大事身陷萬里縲絏中歲時南望嗚咽云

何時太夫人 送李校書

上天回哀眷 大雨

墓久狐兔鄰 汝陽王隨

嗚呼淚如霰 白馬

舅第一百四十二

予以楚囚過西昌聞舅家柩自是南望孤雲每念我母不

勝渭陽之情

萱草秋已死 從孫濟

歲暮有嚴霜 北遊

落日渭陽情 送翁統軍

涕淚濺我裳 贈華陽李少府

文信國公集卷十六 集杜詩

妻第一百四十三

丁丑八月十七日空坑之敗夫人歐陽氏女柳娘環娘子佛

生環之生母顏佛之生母黃帝陷失尋聞自隆興北行惟佛

生已死人世禍難有如此者哀哉

結髮為妻子 新婚別

倉皇避亂兵 破賊

生離與死別 別賀蘭鉅

回首淚縱橫 示宗文宗武

二女第一百四十四

牀前兩小女 北征

各在天一涯 送高書

所愧為人父 赴奉先縣

風物長年悲 送楊監入蜀

次子第二百四十五

渥洼騏驎兒

送李校書

眾中見毛骨

送魏六丈

別來忽三載

四松

殘害爲異物

北征

妻子第一百四十六

妻子隔絕久

述懷

飄飄若埃塵

寄薛郎中

漠漠世間黑

贈蜀僧

性命由他人

懷鄭司戶

妻子第一百四十七

世亂遭飄蕩

羌村

飛蓬共徘徊

昔遊

十口隔風雪

赴奉先縣

反畏消息來

述懷

文信國公集

卷十六

集杜詩

哭

長妹第一百四十八

余長妹適孫氏不幸孫氏傾覆家沒入燕妹奉孫氏生母攜

子肖翁約翁及一女零丁孤苦客食萬里妹雖患難中侍養

撫教各盡其所可謂賢矣哀哉

近聞韋氏妹

元日

零落依草木

佳人

深負鵲鴒詩

得舍弟消息

臨風欲痛哭

閩州東樓

長子第一百四十九

予二子長曰道生姿性可教不幸亂離隨家飄泊空坑之敗

能脫身自全鍾愛於太夫人以疾後太夫人六十日死於惠

陽郡治中庄十三年矣哀哉

大兒聰明到 劉少府山水障

青歲已摧頽 昔遊

回風吹獨樹 樊侍御

吾甯舍一哀 赴奉先縣

二女第一百五十

予六女長定娘次柳娘次環娘次監娘次奉娘次壽娘丙子定娘壽娘以病死於河源之三角丁丑柳娘環娘陷惟監娘奉娘得存戊寅潮陽之敗復死亂兵中哀哉

癡女飢咬我 彭衙行

鬱沒一悲魂 遺懷

不得收骨肉 佳人

痛哭蒼煙根 送樊侍御

文信國公集 卷十六 集杜詩

弟第一百五十一

余二弟長璧次璋璋自船澳奉母喪趨惠州別壁來五羊別自是骨肉因緣墮寥廓矣哀哉

兄弟分離苦 送弟頽

淒涼憶去年 倚杖

何以有羽翼 夢李白

飛去墮爾前 彭衙行

弟第一百五十二

棣華晴雨好 和采太少府

風急手足寒 水會渡

百戰今誰在 憶弟

羈棲見汝難 寄弟

弟第一百五十三

沙晚鶴鶴寒 詩第豐

風吹紫荆樹 得弟消息

忍淚獨含精 郭中丞

江湖春欲暮 夏胡侍郎

弟第一百五十四

不見江東弟 元日示宗武

急難心惘然 義鵬

念君經世亂 送班司馬入京

卧病海雲邊 所思

次妹第一百五十五

予次妹自永新歸甯不與彭氏之難亂離中隨母兩國夫人

上下自船澳奉喪趨惠陽兄妹不復見矣哀哉

天際傷愁別 出郊

江山憔悴人 送孟倉曹

文信國公集 卷十六 集杜詩

團圓思弟妹 又示兩兒

傳語故鄉春 贈別何邕

思故鄉第一百五十六

自一百五十六至一百六十二共七首皆思故鄉懷故山之

情余始創文山其間水石竹木蕭然有輞川盤谷之趣蓋將

終焉承平時鄉曲賓朋日夕寔聚某以忘憂真人世之清福

今思之非惟平生故人半為塵土而故鄉萬里并隔世外惟

死則魂識歸吾故鄉耳哀哉

天地西江遠 送崔侍郎

無家問死生 憶舍弟

涼風起天末 憶李白

萬里故鄉情 江樓宴

第一百五十七

別漢故人少贈弟贊善

東西消息稀憶弟

異穴開絕域遊何將軍山莊

野風吹獵衣別贊善

第一百五十八

老夫悲年華龍楊氏歌

天涯故人少送弟

每望東南雲遺明

黃鸝入飛鳥望岳

第一百五十九

無家別無家別

親故傷老醜述臨

紙招我魂彭衙行

何時一樽酒憶李益

李益集卷十六集杜詩

第一百六十

春水滿南園遺馮

慘淡故園煙陳拾遺

三門巷遺興

永爲鄰里憐草

第一百六十一

淫滘出塞

絕域誰慰懷贈李五丈

我聞日出塞

回首望兩崖出塞

第一百六十二

春日過津口

故園當北斗月

窈窕喜晴

粉披爲誰秀九日

第一百六十三

自一百六十三至一百九十一共二十九首雜然寫其本

陶潛避俗翁 造興

龐公竟獨往 兩

明明君臣契 牽牛織女

牢苦言放 鄭公虔

第一百六十四

夷楚東南坼 登岳陽樓

風雲地一隅 地隔

蹉跎暮色色 重過何氏

王敢恨危途 北

第一百六十五

風煙渺吳蜀 柴門

雲帆轉遼海 後出塞

文信國公集卷十六 集杜詩

喪亂紛嗷嗷 遺寓

尚愧微軀在 輿嚴二奉禮司

第一百六十六

驚風翻河漢 有峽

鶉首麗泥塗 將適江陵

吾衰老焉託 遺懷

愁絕付推枯 北征

第一百六十七

陰風千里來 吳侍御江上宅

驚浪滿吳楚 兩

世事兩茫茫 贈衛八處士

飄泊欲誰託 兩

第一百六十八

平生方寸心 舟中苦熱

誓 北後出塞

歲真日月疾寫懷

我歎黑頭白酬薛判官

第一百六十九

今吾抱何恨贈別

恨無匡復姿送樊侍郎

含笑看吳鉤後出塞

回首蛟龍池詠懷

第一百七十

天長眺東南鄭公虔

衰謝多酸辛汝陽王璣

丈夫誓許國前出塞

直筆在史臣李公光弼

第一百七十一

天衢陰崢嶸赴奉先縣

歲寒心匪他送嚴使君

文信國公集卷十六集杜詩

平生獨往雁立秋後題

零落首陽阿過宋之間舊莊

第一百七十二

濟時肯殺身寄唐使君

慘淡苦士志送李大夫

百年能幾何別唐誠

終古立忠義陳台憲故宅

第一百七十三

絕域三冬暮送十七舅

垂老見飄零送李大夫

林氣森噴薄過郭代公故宅

意鍾老柏青送程錄事還鄉

第一百七十四

仰看八尺韋別張建封

不要懸黃金蘇公源明

青青歲寒柏 枯枝

乃知君子心 張九齡

第一百七十五

小人困馳驟 九日

後生血氣豪 遺懷

世事固堪論 園官送菜

我何隨爾曹 飛仙閣

第一百七十六

天地日蛙蠅 張九齡

勞生苦奈何 餞嘉州程都督

聊欲從此逝 送樊侍御

人少豺虎多 別唐誠

第一百七十七

男兒生世間 後出塞

居然成濩落 赴奉先縣

文信國公集卷十六 集杜詩

鸞鳳有鍛翻 寄唐使君

虹蜺就掌握 揚旗

第一百七十八

鸞鳳不相待 暇日小園

白魚困密網 過津口

但訝鹿皮翁 遺興

冥冥任所往 蘇少保

第一百七十九

威鳳高其翔 尋崔貳

老鶴萬里心 遺興

脫略誰能馴 薛少保

兀兀遂至今 赴奉先縣

第一百八十

天寒霜雪繁 赤谷

蕭蕭北風勁 羌村

高鳥黃雲暮 送殷參軍

斗上孤孤影 義鷗

第一百八十一

乾坤涕嗽嗽 送王秋

名繫朱鳥影 張九齡

寥落寸心違 送何侍御

斯文亦吾病 早發

第一百八十二

儒冠多誤身 贈韋右丞

識字用心苦 阮隱居

斯文憂患餘 宿鑿石浦

鬱鬱流年度 雨

第一百八十三

名賢慎出處 自施州歸

志士懷感傷 贈李四丈

文信國公集 卷十六 集杜詩

猶殘數行淚 登牛頭山

引古惜興亡 壯遊

第一百八十四

讀書破萬卷 贈韋右丞

許身亦何愚 赴奉先縣

赤驥頓長纓 述古

健兒勝鬪儒 草堂

第一百八十五

蕭條四海內 別唐誠

慷慨有餘悲 水檻

路逢相識人 前出塞

開懷無愧辭 詠懷

第一百八十六

高歌激宇宙 衡山縣學

歲晚寸心違 贈韋贊善

忠貞負冤恨

李公世

英雄多是非

詠懷

第一百八十七

丈夫四方志

前出塞

喪亂飽經過

萬日

清心聽鳴鑼

聽許十一誦詩

衰老強高歌

別唐誠

第一百八十八

茫然阮籍途

早發射洪

益歎身世拙

北征

零落蛟龍匣

李公光弼

關視化爲血

客從

第一百八十九

天地有逆順

崔少府

惘然難久留

發秦州

文信國公集卷十六

集杜詩

五言

當歌欲一放

尋崔載

河漢聲西流

登慈恩塔

第一百九十

萬古一死生

詠懷

誰是長年者

玉華宮

我何良歎嗟

鹽井

短褐卽長夜

遣興

第一百九十一

高官何足論

佳人

寂寞身後事

夢李白

物理固自然

鹽井

顛聞第一義

謁文公上方

歎世道第一百九十二

自一百九十二起至一百泛然爲世道感歎

古來遭喪亂

西閣曝日

丈夫多英雄

牽牛織女

悠悠委薄俗

入衡州

豈非吾道東

贈蘇四

第一百九十三

蝮蛇暮偃蹇

簡崔評事

猛虎憑其威

遺興

真宰意茫茫

遺興

六合人煙稀

北風

第一百九十四

黎民困道節

登漢上堂

殘孽駐艱虞

過南岳

孰云網恢恢

夢李白

自及梟獍徒

草堂

第一百九十五

文信國公集

卷十六

集杜詩

五

眼中萬少年

別張建封

得志行所爲

詠懷

白馬蹴微雪

遺興

追隨燕薊兒

王公思禮

第一百九十六

客從何鄉來

病柏

挾矢射漢月

留花門

殺身傍權要

三歌

門戶有旌節

遺興

第一百九十七

關河霜雪清

送遠

故人亦流落

送裴五赴東川

夷歌奉玉盤

楊六判官

悲君隨燕雀

贈何巖

第一百九十八

漁陽豪俠地

後出塞

北里富熏天

遺興

快馬金纏轡

送從弟

但遇新少年

遣懷

第一百九十九

南北逃世難

逃難

始聞蕃漢殊

草堂

天下今一家

鹿頭山

中原有驅除

留花門

第二百

茫茫天造間

宿花石戍

高岸尚爲谷

水檻

百川日東流

別贊上人

勢閱人代速

觀山川水漲

文信國公集

卷十六

集杜詩

雲

文信國公集卷十六終

文信國公集卷十七

宋少保右丞相兼樞密使信國公文山先生紀年錄

正文乃公獄中手書附歸全文集註雜取宋禮部侍郎鄧
光薦中甫所撰丞相傳附傳海上錄宋太史氏管發國寶
至元間經進甲戌乙亥丙子丁丑四年野史平慶安刊行
伯顏丞相平宋錄參之公所著指南前後錄集杜句詩前
後卷旁探先友遺老詔舊事蹟列疏各年之下

文信國公集

卷十七

紀年錄

丙申

宋理宗端平三年

予以五月二日子時生大父夢予騰紫雲而上命名雲孫旣
長朋友字曰天祥後以字貢於鄉字之者改曰履善理宗覽
對策見其名曰此天之祥乃宋之瑞也朋友遂及字之曰宋
瑞而通稱之

廬陵文氏來自成都公六世祖炳然居永和鎮五世祖正

中徙富田曾祖安世贈太保邢國公大父時用贈太傅永

國公父儀字士表人稱爲革齋先生贈太師惠國公母曾

氏齊魏國夫人

丁酉 宋理宗嘉熙元年 戊戌 嘉熙二年

己亥 嘉熙三年 庚子 嘉熙四年

辛丑 宋理宗淳祐元年 壬寅 淳祐二年

癸卯 淳祐三年 甲辰 淳祐四年

乙巳 淳祐五年 丙午 淳祐六年

丁未 淳祐七年 戊申 淳祐八年

己酉 淳祐九年 庚戌 淳祐十年

辛亥 淳祐十一年 壬子 淳祐十二年

癸丑 宋理宗寶祐元年

文信國公集 卷十七 紀年錄

甲寅 寶祐二年

是歲公夢召至帝所帝震怒責其不孝公哀訴以臣實孝

帝曰人言卿不孝卿言卿孝賜以金錢四遺去公出門而

震雷欲擊之自歎曰幸免不孝之罪而又不免雷擊驚覺

汗如雨後一舉登第而有父喪但未解四金錢爲何義

乙卯 寶祐三年

是歲大比以字舉郡貢士弟璧同舉冬俱赴省侍父革齋先

生行予旣以字爲名字之者改曰履善提舉知郡李迺舉送

革齋先生與弟書曰道由玉山遇異僧指長男曰此郎必

爲一代之偉人然非一家之福也

丙辰 寶祐四年

二月朔禮部開榜中正奏名弟璧同登及大廷試策有司真
子第五理宗皇帝覽子對親擢爲第一臨軒唱名蓋五月二
十四日也時革齋先生卧病客邸子自期集所請朝假侍湯
藥二十八日革齋先生棄世天府治喪榜下士資送道路費
嬴給兄弟卽日扶護還里以君子不家於喪沿途餽送並不
受

丁巳 寶祐五年

文信國公集

卷十七

紀年錄

三

九月葬革齋先生

戊午 寶祐六年

八月從吉時丞相丁大全用事或勸通書者予曰仕如其
汲汲耶郡侯欲爲言於朝除初官力辭謝得止

己未 宋理宗開慶元年

五月臨軒策士旨差簽書甯海軍節度判官廳公事朝廷檢
會照格授承事郎子聞命辭免乞行進士門謝禮旨令朝謝
訖之任九月入京時江上有變吳丞相潛再相初入都知董
宋臣主遷幸議京師淘淘子門謝訖卽上疏乞斬董宋臣以

人心以安社稷建明倣方鎮建守就團結抽兵破資格用
人數事書奏不報還里

舊例三魁唱名罷賜袍笏謝恩人幕賜御饌進謝恩詩出
賜席帽於闕門上馬迎入期集所又名狀元局官給錢物
供張早隸等於此聚同年待賓客刊題名小錄賜聞喜宴
進謝宴詩如此者一月然後率榜下士詣闕謝恩謂之門
謝門謝後授初階內狀元授承事郎簽書某軍節度判官
廳公事至後一科放進士榜則前一科狀元召入爲秘書
省正字名曰對花召

文信國公集

卷十七

紀年錄

四

庚申 宋理宗景定元年

二月差簽書鎮南軍節度判官廳公事辭免乞祠祿旨差王
管建昌軍仙都觀

辛酉 景定二年

十月除秘書省正字時賈丞相似道當國年餘頗訝不通名
及除入館得子書舉張師德兩及吾門故事始重嘉歎

誥詞曰倫魁登瀛故事也然始進大率以虛名既久乃知其
實踐爾則異於是初以遠士奉董生之對繼以卑官上梅福
之書天下誦其言高其風知爾素志不在溫飽麟臺之召其

來山遊詔有
加大名難又云保
之使輿論翁
曰朕所親
敢言之上可
九行

壬戌 景定三

四月供正字職尋
教授五月充殿試考官進校書
郎詔詞曰新進士唱第
爾舉首必召故事也爾以
諍歸之擢一
獲秦時鳳集阿閣甫繡黃本俄
歌書黎在他人為
在爾為晚矣人之不可及者年也不磨
者名也至哉天下樂者書也朕將老汝之才而
極其用焉耳

癸亥 景定四年

景定集 卷十七

景定四年

五

正月除著作佐郎二月兼
州部郎官刑部事最繁重居官
者率受成於吏號清流者
所不屑為之鈎考裁決晝夜精
力不倦吏不能欺
服焉八月以董宋臣復出為都知上疏
論其惡不報束擔將出關丞相遣人謂公不可差知瑞州十
一月赴郡十二月迎親就養郡兵火後瘡痍乍復予撫以寬
惠鎮以廉靜郡兵素驕取其桀黠寘之法張布綱紀上下肅
然於交承外積繕錢萬劍便民庫去之日填兵出前窠名為
楮百萬有奇遺愛在民久益不忘

甲子 景定五年

十月召赴行在尋除禮部郎官十一月除江西提刑辭免不
允

乙丑 宋度宗咸淳元年

二月就瑞州交割提刑職事時大赦後推廣德意全宥居多
惟平寇扶楮稍振風采四月行部至吉州太和縣伯祖母梁
夫人沒予父所生母也中解官承心制問臺臣黃萬石以不
職論罷是歲闢文山

臨江城中金地

折陳見負關會過於市者歎曰我等

困苦止欠此

盜殺負關會人慧力寺後山中捕

信國公集

卷一

年錄

六

跡盜急市荷擔行鬻餽餽者以所聞陳語告捕司鞠陳
筆楚誣服將受刑辭其母曰爲子不能終養必宿寃債無
可說者望吾母焚紙錢於吾死處告上神乞指引我到盜
夫殺人處又焚紙錢於吾殺人處乞神乞指引我到殺人
賊正賊之家母如言後月除母夢子告曰謝母已得正賊
乃府衙後
後止用
遮蓋塵灰
到陳母乞

李國志如夢遂以李儻為關會人死推司及原捕人償
陳死官貶養母身死趙君厚言也

丙寅 咸治二年

丙寅戊戌庚戌丙寅長子道生生

丁卯 咸治三年

丁卯壬寅甲午丙寅次男儒生生二月女柳生三月女環生

九月以衛左郎官辭命 十二月赴闕供職誥詞曰蘇軾

有云 皇帝在位最 得人最盛進士高科類至顯位我

理宗享國庶幾仁祖取士之數卻又夥焉當時褻然之選今

文信國公集

卷十七

紀十錄

七

其存言無不登進獨爾以陳情之表讀禮之文淹恤在外尚
遲縉用夫風之積不厚則其負大翼無力若爾之植立不凡
非特以高科也而又益培厥栽則其滋長也孰禦尙左高於
郎位其以是起家方天之休敬之哉可 馮夢得行

戊辰 咸治四年

正月兼學士院權直兼國史院編修官實錄院檢討官是月
臺臣黃鏞奏免所居官冬至除福建提刑臺臣陳懋欽奏寢

新命

己巳 咸治五年

四月差知甯國府辭免不允十一月領府事府極彫弊始至
爬梳條理曠然無事甯國爲郡居上流斗絕稅務無所取辦
則權剝爲民害予奏罷之別取郡計以補課額百姓歡舞去
後爭醜錢立祠

先是乙卯春公家趨城三十里曰冷水坑旅店胡翁夜夢
門外巨石有龍蛻爪其上夢甚著覺而異之味爽卽擁帚
掃除石驗所夢已而公至則坐於石更屢翁言早寒願飯
而去詞意甚勤公問故以夢告且曰他日必富貴願垂憐
我家公諾焉由是公家人往還經從必飯其家歲時翁媪

文信國公集

卷十七

紀年錄

八

至公家必優贈與至公載家甯國弭任歸午飯胡店胡
以宿諾請公笑曰諸膽中任擇取其一胡屢謝不敢則擇
取一擔以告公令眾試指視之則扇也公曰此遠方土宜
爲鄉里親友餽者汝無用焉命眾估時值以其直與之蓋
胡以公五馬貴如他日言輜重充溢不知公行素固枵然
是以任其自擇無嫌也公之子孫過之胡之子孫仍奔走
迎送不倦公家亦時優恤之一夢之吉乃繆繇受實惠異
哉此胡老之言也

庚午 咸淳六年

正月朔除軍器監兼右司辭免不允四月供監職免兼右司
尋兼崇政殿給書兼學士院權直兼玉牒所檢討官會平章
賈似道託疾乞紹興乞致仕旨令學士院降詔不允賈有要
君之志予當制裁之以正義時內制相承皆呈藁當國改竄
惟命重失王言之體予直道而行遂忤賈意七月除秘書少
監兼職依舊臺臣張志立奏免所居官

辛未 咸淳七年

冬至除湖南運判官出陳堅表寢新命是年起宅文山山在
廬陵南百里居子家上游兩山夾一溪溪中石林立水曲折

文信國公集

卷十七

紀年錄

九

其間從高注下姿態橫出山下石尤奇怪跨溪緣谷低昂跣
立各有天趣山上下流泉四出隨意灌注無所不之其高處
而勢數百里俯視萬壑雲煙芊絲真廣大之觀也其南曰南
涯可五里至人日領客其間窮幽極勝樂而忘疲其北曰北
涯以南長潭爲止清遠深絕蓋以時至焉宅基在南涯其地
平曠長可百丈餘深可三十丈溪水至其前滋淳瀟迤山勢
盤礴如拱如趨蓋融結非偶然者宅當其會青山屋上流水
崖下誠隱者之居也子於山水之外別無嗜好衣服飲食但
取麤適不求鮮美於財利爭輕每有所入隨至隨散不令有

餘常歎世人乍有權望卽外興獄訟務爲兼并登第之日自
矢之天以爲至戒故平生無官府之交無鄉鄰之怨閑居獨
坐意常超然雖凝塵滿室若無所睹其天性澹如也於宦情
亦然自以爲起身白屋邂逅早達欲俟四十三歲卽請老致
仕如錢若水故事使國家無虞明良在上退爲潛天自求其
志不知老之將至矣時之不淑命也何尤山中新宅後聞江
上有變卽罷匠事惟廳堂僅成

癸酉 咸淳九年

正月除湖南提刑辭免不允三月領事疏決滯淹一路無留

文信國公集

卷十七

紀年錄

十

獄連平巨寇道路肅清冬乞便郡侍親差知贛州是年夏覓
古心先生江公萬里於長沙公從容語及國事憫然曰吾老
矣觀天時人事當有變吾聞人多矣世道之責其在君乎居
一年而難作公家番陽城陷義不辱自沉而死予灑血壞袂
顛沛驅馳卒以孤軍陷沒無義於天下追念公言輒爲流涕
甲戌 咸淳十年

三月赴贛州平易民與民相安無事十縣素服威信人自

相戒無有出甲寇以按堵故具官設位家置香火以報恩

六月慶祖母劉夫八年八十七郡民自七十以上與錢酒米

帛有差有婦人百三歲者十一月二十一日哀痛詔勅曰
先帝傾崩嗣君冲幼吾至衰耄勉御簾帷會日月之幾何凜
淵冰之是懼憤茲醜虜闖我長江乘隙抵巇誘逆犯順古未
有純是夷虜之世今何至泯然天地之經慨國步之臨危皆
吾德之淺薄天心仁愛示以星文而不悟地道變盈警以水
患而不思田里有愁歎之聲而莫之省憂介冑有飢寒之色
而莫之撫慰非不受言也而玩爲文具非不恤下也而墜於
上聞靖言思之出涕滂若三百餘年之德澤入人也深百千
萬姓之生靈所天之祐垂下哀痛之詔庶回危急之機尙賴
文經武緯之臣食君之祿不避其難忠肝義膽之士敵王所
殲以獻其功有國而後有家胥保而相胥告體上天福華之
意起諸路勤王之師勉策勳名不吝爵賞故茲詔諭想宜知
悉

亥 宋幼主德祐元年

正月朔日得報虜渡江尋詔下召諸路勤王奉詔起兵二月
除右文殿修撰樞密副都丞旨江西安撫副使兼知贛州尋
兼江西提刑進集英殿修撰江西安撫使四月領兵下吉州
除權兵部侍郎職任依舊五月丁祖母劉夫人憂解官承重

六月葬劉夫人起復命下七月七日大軍發吉州至衢州除
權兵部尚書職任依舊八月至闕下駐兵西湖上九月除浙
西江東制置使兼江西安撫大使知平江府事陛辭乞斬呂
師孟覺鼓不報十月十五日入府尋除端明殿學士職任依
舊遣軍解圍常州敗於五木正城守間准朝命以獨松關急
趣師入衛辭以吳門空虛願分兵戍守命再下還師進資政
殿學士浙西江東制置大使兼江西安撫大使置司餘杭守
獨松關

管史云正月十三日有旨文天祥江西提刑照已降指揮

文信國公集

卷十七

紀年錄

十一

疾速起發勤王義士前赴行在十六日公移檄諸路聚兵
積糴二月賈似道駐師魯港復公書勉以宗忠愍功名二
十二日賈似道師潰章鑑乃啟除右文殿修撰等職四月
用老將王輔佐爲總統領兵下吉州王尋卒以廣東統制
方興代之江西副使黃萬石有舊嫌又忌公聲望出已右
以公軍烏合兒戲無益言於朝近臣與厚者佐之遂有留
屯隆興府之命大史氏管發曰人心天理誰獨無之文魁
義聲一倡而土豪蠻蜮裹糧景從斯亦壯矣而或者猶以
猖狂議之時士友爲之歌日出師自古尚張皇何況長江

恣擾攘聞道義旗離漕口已驅北騎走池陽先將十萬來
迎敵最好諸軍自裹糧說與無知饒舌者文魁原不是得
狂有旨文都承將所部人兵留屯隆興非但爲隆興守禦
計異時隨機用事其爲效與勤王等今據文都承申所部
之兵皆土豪忠義銳氣方新戰鬪可望勝捷不可閉之城
郭詞氣甚壯此朝廷之所樂聞劄江西安撫副使提刑知
贛州殿撰文都承且照累劄時暫駐隆興府續聽行下以
圖舊功奉實批知

察院孫瞻叟奏言江西安撫使文天祥申准省劄令江西

宋信國公集

卷十七

紀年錄

三

副使黃萬石星馳入衛文天祥將所部勤王義兵留隆興
府事天祥以身許國義不辭難上下東西惟命奔走伏念
天祥猥起書生豈諳兵事昨者恭承太皇太后詔書召天
下勤王天祥待罪一州忠憤激發不能坐視移檄諸路冀
有盟主願率兵以從人心未易作興世事率多阻撓北兵
日迫血淚橫流伏蒙公朝除天祥右文殿修撰樞密都承
旨江西安撫使續准除江西提刑天祥極知恩過當所
當辭免痛心時危無暇爲平時揖遜亟憑使名召號所部
惟是帥司無兵無將無官無吏無錢無米徒手自奮立爲

司存今已結約贛州諸豪凡溪峒剽悍輕生之徒悉已糾
集取四月初一日提兵下吉州會合諸郡民丁結爲大屯
來赴闕下忽得留屯隆興指揮觀聽之間便生疑惑緣天
祥所統純是百姓率之勤王正以忠義感激使行又有官
資在前爲之勸勵此曹銳氣方新戰鬪可望勝捷若閉之
城郭責以守禦日月淹久烏合之衆不堪安坐必至潰逃
此勤王與留屯較然利害之不同也謹憑忠誠告鈞慈特
與收回留屯隆興之命容天祥照累降指揮將所部義兵
來赴闕下至衡州時以公軍抗健有紀所過秋毫無犯近

文信國公集

卷十七

紀年錄

十四

臣大驚遂除權工部尙書八月十七日內批文天祥除權
工部尙書兼都督府參贊軍事職任依舊十九日奉詔入
衛墨經從戎仰藉朝廷威命獎率江右湖南淮廣諸項軍
馬見抵京畿除已具狀申省乞判命重臣交管放令終喪
外謹具兵籍六冊繳申詔勅三省進呈卿狀辭免二書兼
督贊事具悉自吾有敵難羽檄召天下兵惟卿首倡大義
糾合熊羆之士誓不與虜俱生文而有武儒而知兵精忠
勁節貫日月質神明惟寵嘉之投袂纓冠提兵入衛師律
嚴肅勝氣先見宗社生靈恃以爲安辭少常伯進長冬卿

未足以酬賢勞相臣督師於外命卿贊佐庶幾集允女采
石之功夫移孝爲忠以國爲家古有明訓矧急危之秋其
往求朕攸濟理者親擢魁彥以貽務謀意其在此又何遜
乎故茲詔示想宜知悉二十六日起復朝奉大夫江西安
撫使辭免不允內批文天祥依舊工部尙書兼督贛除浙
西江東制置使兼江西安撫大使知平江府事二十八日
勅三省進呈卿狀辭免權工部尙書江東制置使兼知平
江府恩命事具悉朕未堪多難疆圉孔棘御事罔不日艱
大天愍我成功所惟時魁需秉忠倡義獎率三軍入衛社

文信國公集

卷十七

紀年錄

五

稷國勢爲之增重人心特以爲安精神折衝文武是憲若
稽高廟命臣頤浩開制闡於江浙宏濟中興之業者定教
功卿器度才猷克邁前哲惟長江之險要未復畿甸之備
守當嚴命卿以大常伯兼領二使表裏撐拓以固吾圉東
西運掉以清虜氛儒帥一臨士勇百倍用保乂我文祖受
命民茲惟豐芑貽謀之意亟其禡牙紓服宵旰之憂所辭
宜不允正言會唯奏吳門奧區今爲邊地倫魁尚望忠孝
勤王軍中喧騰小范甲兵之謠河上尙稽光世節制之命
九月初七日勅會文尙書獎率義兵入衛王事忠誠義舉

深可嘉尙除已頒三路制帥之命仍兼督府參贊知平江府今已日久秋風浸至事不可緩合行催促須議指揮旨令文天祥不候辭朝疾速前去之任所有一行軍兵除已別議支犒外其餘諸項管軍頭目人合與優加推賞及辟置官屬科降錢糧一應合行事件並仰逐項條具開申以憑施行史云文尙書開闢招軍備禦朝廷科降十八界二千萬貫金一千兩銀五千兩迪功從事承信崇義郎官誥各五十道校副尉資帖各一百道鹽萬五千袋節次支犒錢十八界四百七十九萬七千五百貫口券錢米十八界一百二十六萬三千九百五十貫米二萬四千二百五十餘石貼助軍士使用錢十八界一十萬貫截撥錢銀米十八界十八萬八千三百貫銀五千五百五十一兩米四萬九千五百二十餘石起發特支犒錢十八界二百萬貫已上總計金一千兩銀六千五百五十兩鹽一萬五千袋十八界二千八百三十四萬六千餘貫官誥一百道資帖二百道米七萬三千七百七十餘石十六日除端明殿學士制詞日勅元戎十乘先行式倚真儒之望師中三命承寵通隆方面之權朕若稽先朝之舊章最重承明之選職內

以傳畿廷之彥外亦褒帥閫之賢王素之收平涼程勛之
莅益部皆膺茲選今得其人某官實學濟時英猷緯國文
有武備義槩質於神明儒知軍情忠誠貫於霜日傳檄召
兵而志士奮纓冠赴難而國勢張不負素定之榮允謂寡
二之畧予欲復江表之疆宇命爾攘除予欲壯浙西之翰
藩咨爾修并威稜聳前茅之令夷虜并破竹之威惟任之
專者位必崇惟名之至者功必集乃靖班規殿之峻以增
華帥閫之嚴噫邦威豈戎有良翰茂對陟朗之渥身雖外
心在王室趣成報懷之勳二十七日文制使辟周天驥帶

文信國公集

卷十七

紀王錄

七

告院添差江西撫參習司隆興府楊仔帶行吏架丞差江
西撫機何時帶工轄添差江西撫參並分司吉州文天祐
帶史館檢閱添差江東制幹分司徽州林棟帶禮兵架閣
添差浙西制幹分司常州十月弟璧旨除直秘閣主管崇
道觀誥詞曰勅具官某惟爾哲兄以鴻儒魁望倡義勤王
忠於爲國而不謀家乃命備制修并我難爾競爽有令譽
嫖侍咳養叔出季處恩義兩盡寓直木天之峻賦祿桐栢
之祠清且佚矣孝友是亦爲政行其祇若季弟瑋特與免
銓充浙西制司內機十一日賜詔曰卿秉忠誠以濟時難

倡義旅以衛王室經營四方如召虎獎率三軍如武侯爰
憑咨常伯之英赴奮制關之寄將士用命遂汎掃於虜氛精
十神折衝益振揚於勝氣有嘉體國之志亟奏攘夷之勳元
勳戎啟行則邦咸喜載加錫賚式示眷懷今賜卿金二十兩
并注盃一副金十五兩盤盞一副細色二十四匹纈羅二十四匹
丙午龍涎香三十餅皮金香合一具十兩清馥香三十帖龍茶
十斤至可領也故茲劄示其體吾注倚之意十八日常州
破公在平江四十日去三日而通判王矩之環衛王邦傑
以城迎降二十三日北兵破獨松關留夢炎遁十二月丙
批文天祥簽書樞密院事十六日隆興府劉槃以城降制
置黃萬石移瀾州聞北兵至而遁都統密宥迎敵就擒
通判施至道以城降

文信國公集卷十七

紀年錄

七

丙子 宋德祐二年五月改景炎元年

正月二日除知臨安府辭不拜詣闕陳大計不得見日贊廟
謨救宗社危亡十八日伯顏至皋亭山是夕宰相陳宜中遁
十九日早除樞密使午除右丞相兼樞密使都督諸路軍馬
懇辭間奉旨詣北軍請解二十日以資政殿舊職詣北營見
伯顏陳大義詞旨慨慷虜頗傾動留營中不遣明日宰相吳

堅賈餘慶以下以國降予責伯顏留使失信罵呂文煥逆賊
引虜陷國并數呂師孟叔姪罪惡求死北營虜置兵衛守遂
不復還其勤王兵朝廷放散西歸二月八日虜驅予隨祈請
使吳堅賈餘慶等入北十八日至鎮江二十九日予與杜漣
以下十一人夜走真州三月初一日入真州城初三日真州
給出西城門閉弗納尋遣兵護送出境是夕三更抵揚州西
門不敢入從者四人逃初四日伏城西荒山空屋中虜騎萬
計過屋後幾不免初五日移至賈家莊臥敗牆糞穢中是夜
趨高郵迷失道初六日早遇哨縛去一人殺傷二人餘幸免

文信國公集

卷十七

紀年錄

九

初七日匍匐至高郵下船歷七水寨十一日至泰州伏城
下二十二日發舟與虜騎相先後二十四日至通州閏二月
十七日遵海而南三十日至台州境地名城門鎮自城門陸
行四月八日至溫州五月朔景炎皇帝於福安登極賈元以
觀文殿學士侍讀召赴行在是月二十六日至行都門撥通
議大夫右丞相樞密使都督諸路軍馬連上章辭改樞密使
同都督諸路軍馬七月四日發行都十三日至南劍聚兵十
一月入汀州

正月初八日乙亥劉察院廷瑞進稱臣表公請以福王沂

王判臨安係民望身爲少尹以死衛宗廟不許張世傑宿
重兵六和塢公又請於世傑京師義士可二十萬背城借
一以戰爲守世傑勉公歸據江西已歸淮壘以爲後圖十
五日壬午在朝臣一時俱逸十七日伯顏至臯亭山距臨
安三十里趙吉甫賈餘慶獻傳國王璽降表是夕宰相陳
宜中遁世傑遁十八日乙酉北兵至臨安北五十里益王
廣王乃從母家出關渡江大將蘇劉義以兵衛間走永嘉
公實陳此議也十九日早除公樞密使時北兵已迫修門
內戰守遷皆不及施縉紳大夫士萃於吳堅左丞相府會

文信國公集

卷十七

紀年錄

三

伯顏邀當國者相見旨令公詣北軍講解衆謂公一行爲
可以紓國難國事至此公不得愛身意虜尙可以口舌動
也初奉使往來無留北中者公亦欲覘之歸而求救國之
策於是二十日詣北營至則留營中峻都忙古歹館伴深
悔一出之誤憐愍者有意推陷公不覺也二十一日宰相
吳堅賈餘慶等以國降且降詔副以省札俾各州縣歸附
左丞相吳堅等五人捧表獻土北庭號祈請使二十四日
辛卯伯顏遣鎮撫唐兀兒朶趙興相等先罷散文天祥所
招義兵一萬餘衆令各歸鄉里給與文榜公聞之流涕不

白堪

二月初八日驅公隨所請使入北公不在使列蓋驅逐之
使去耳盡出賈餘慶計陷先一夕公作家書已處置家事
擬翼日行則引決家參政則謂公死傷勇所而不許死未
爲晚公亦以是隱忍猶冀一日有以報國先是正月十九
日客贊公使北天臺杜澣梅壑議斷斷不可客遂之去後
二十日公此行諸客皆散梅壑憐公孤苦慨然相從朝旨
改宣教郎除禮兵部架閣文字十八日至鎮江請十九日
渡江公自起京城外北兵營日夜謀脫不得間至是益急

文信國公集

卷十七

紀年錄

五

謀舟夜渡杜遂醉遊於市銀三百兩賂老校引間道走十
里至江岸以三人寄老校家老校余元慶真州故舊也許
銀千二百兩得船公於河岸上沈頤家坐臥從公者曰王
千戶狼突相隨不頃刻離是夕公以明日行買酒辭別鄉
土因以醉王千戶諸人伺其寢熟啟門出杜狎飲妓家者
小卒提官燈公變服從杜出至人家盡處杜以銀與小卒
給使來日候某所遂至甘露寺下李成呂武以船至北船
連亘十數里至七里港有喝問互船賴巡船潮退閣淺聞
哨齒聲甚清厲舟子拜且禱云江南田相公卽得順風各

稽首以更生賀二月二十三日阿朮平章令諸祈詩使手
札勉李庭芝歸附獨公不署名阿答海左丞入官召宋太
后幼主即日出宮封府庫以全太后幼主及福王與芻沂
王乃裕樞密使謝堂隆國夫人度宗生母也王昭儀等行
三月朔旦至真州守將苗再成迎見語國事感慨流涕越
日約觀城王都統導至城外出制司小引脫回人朱七三
等供云軍前見一丞相差往真州賺城制使遣提舉官來
殺丞相安撫不忍加害張站分徐路分來歸行囊衣物五
十卒弓劍送行海陵唐村密謂張徐曰朝廷事未可知文

文信國公集

卷十七

紀年錄

五

公宰相也今雖奉制司命他日必將移過於下以說汝其
審之張徐然之行久之云安撫令某二人便宜從事某見
相公口口是忠義如何敢殺相公遂與張徐以賜金百兩
與五十兵以銀百五十兩乃相繼辭去明日至揚州杜架
閉門制巨欲殺我不如趨高郵通州沈海歸江南見二王
伸報國之志徒死城下無益初四日李茂吳亮蕭發余元
慶見行止未決攜所腰金各百五十兩逃去外既顛躓內
又飢渴至半山土圍糞堆中掃淨數尺地以衣貼地睡午
北騎數千自土圍東至忽大風雲雨昏暝騎馳西去遂得

免古廟樵出糝羹乞其餘又迷失道通夕行田間後乃聞
北以高郵米擔濟揚州夜遣騎截諸津若非迷途當一網
無遺若有鬼神鼓動其間者旦霧隱隱見哨騎趨避竹林
騎遶林呼噪予藏處馬過傍三四不之見時萬竅怒號雜
亂人聲疑有神明相之初七日遇樵夫以簣舁至高郵買
舟二十四日至通州得之謀者云上下常與北騎隔三四
十里又云鎮江走了文丞相大索數日許浦一路馳騎追
捉聞之駭汗何僥倖甚也通州守楊練使師亮出郊聞而
館公於衲衣服飲食舟楫皆其爲料理閏月十七日發城

文信國公集

卷十七

紀年錄

五

下西曆八日至溫州聞端宗皇帝於福安建大元帥府公
奉善勸進議遂決舊客張汝鄒瀛部曲朱華等皆自閩來
迎景炎元年五月朔福安登極以觀文殿學士侍講召赴
行在二十六日授通議大夫右丞相樞密使都督諸路軍
馬制詞曰帝王之立中國惟修政所以攘夷輔相之重朝
廷惟用儒所以無敵朕作其卽位圖厥救功介臣不二心
厯險夷而一致咨汝宅百揆賴文武之全才亟歸右揆之
班并授元戎之柄肆敷大號專告羣工具官某骨鯁魁落
之英股肱忠力之佐仁不憂勇不懼坎維心之亨國忘家

公忘私蹇匪躬之故敵裔虜之猖夏率義旅以勤王屯
施給鎧之資豪傑雷動感激瀝登舟之淚忠臣天知雖成
敗利鈍逆覩之未能然險阻艱難備嘗之已孰獨簡慈元
之愛爰升次輔之聯方單騎以行驚破虜之膽及免胄
而入大慰國人之心天地之所扶持鬼神亦爲感泣今職
方雖非周邦之舊而關輔未忘漢室之思伊欲闔輦轂而
追三宮復鍾簏而妥九廟非內治飭何以實元氣非國威
振何以折遐衝披荆棘以靈武之初子未知濟收桑榆於
澠池之後事尙可爲思昔元勳有如臣浚在思陵已登於

文信國公集

卷十七

紀年錄

十四

亞相更孝廟乃復於舊班式同今日之中興罔俾前修之
專美况同列崇臯陶之遜而初政俟公旦之來庸再秉於
國鈞仍惠長於樞宥優督府琬戈之錫峻文階黃繒之除
申拓賦舍式隆寵數於戲春秋以歸季子爲喜朕方徇於
私情晉人謂見夷吾何憂爾共扶於輿運尙堅忠孝大布
公誠迄圖社稷之安茂紀山河之績其祗子命永弼於彛
連上章辭改樞密使同都督諸路軍馬十一月大汀州公
遣督參趙時賞督諮趙孟深以一軍取道石城復甯都遣
督贊吳浚以一軍屯瑞金復雩都時北軍逼福安車駕航

海福安遂陷

丁丑 宋景炎二年

正月移屯漳州龍巖縣三月至梅州始與一家相見旨授銀青光祿大夫職任依舊時經畧江西五月入贛州會昌縣六月三日戰雩都大捷二十一日入興國縣遣兵攻贛吉斬汀州僞天子黃從曉袁瑞豪傑響應興國軍黃州新復號令通於江淮不幸攻贛吉兵敗行府趨永豐就處置司會兵尋爲追騎所及至空坑失歐陽夫人一子二女行府收拾散兵十月入汀州十一月至循州屯南嶺

交信國公集

卷十七

紀年錄

七

正月北兵大入汀關不守公欲據城拒敵汀守黃去疾聞車駕航海擁兵有異志公移次漳州龍巖縣時賞孟深還軍追及於中途吳浚以虜命來招降人情洶洶浚乃定時峻都右丞阿刺罕左丞董參政入闕李珣王積翁等已降仍爲福建宣慰招撫等使乃使淮軍羅輝持書來二月復梅州四月斬二大將之跋扈者曰都統饒漢英王福以釁鼓出江西開府興國縣淮西野人原寨劉源等兵復黃州壽昌軍用景炎正朔者四十日潭州衡山縣趙璠等起兵岳下張琥起兵邵永開跨數縣撫州何時起兵應同

都督府分甯武甯建昌三縣豪傑皆遣使詣軍門受約束
七月督謀張沐監軍率趙時賞趙孟傑等盛兵薄城招
諭鄒鳳率領諸縣兵擄永豐言水招撫副使黎貴達率吉
諸縣兵攻太和時顯雅存孤城吉入縣復其半半垂下臨
洪諸郡豪傑送款無虛日大江以西有席卷包舉之勢福
建新汀州僞天子黃竹淮西兵復興國軍黃州復壽昌軍
湖南所立起義兵亦曰討四府響應孔明有云漢事將
成也天末悔禍言 勸諭吉州皆以驚潰北兵自隆
興來適乘其弊戰於廬陵方石嶺下我師不利及永豐空

文信國公集

卷十七

紀年錄

三

坑軍士解散妻子爲虜公收拾餘衆奉老母入汀州轉移
諸州將請命行朝請益兵再舉會北帥劉深自海至峻都
自陸至道路梗塞朝訊斷絕公駐循之南嶺柵險以自全
黎貴達觀望有陰謀事覺伏誅

八月黎貴達以正軍千人民兵數千次鍾步遇北軍民兵
驚潰未旬日沐賞濬率民兵數萬逼贛城北軍以百餘騎
衝之衆奔潰瀕聚兵數萬在永豐境亦潰北元帥李恒等
以大軍乘其弊追及於東固方石嶺下都統鞏信率數十
卒短兵接戰北帥駭其以寡拒衆疑山中有伏斂兵不進

信坐巨石餘卒侍左右箭雨集屹不動北愈疑獲村夫引
間道踰嶺至山後閱無人焉就視信等創遍體死未什耳
以此北騎稽滯公遂得遠去

空坑陳師韓曰二十七日公至空坑潰卒困憊藉地睡公
宿山前師韓家夜得報追騎已逼陳送公由間道去諸卒
不之知也追騎至詰公所在無知之者遂攻破其寨屠之
公行山逕逼窄民老幼負荷奔走填塞公窘迫不能前既
而山墜巨石橫壅於路追騎至之迴攀緣前云去遠矣至
今居民指爲相公石

文信國公集

卷十七

紀年錄

七

鄴古庭王簿曰公既遁追騎將及是早重霧尋丈遠不相
覩公猶聞後喧闐聲乃騎見轡中人風姿偉岸問爲誰曰
姓文騎以爲丞相也羣擁主帥所問之必曰姓文問轡夫
咸不知也遍求存虜人識認乃有曰此趙聖判官賞也以
此追騎逗留公又得遠去趙至隆興帥亦罵不絕口遂受
害

歐陽夫人曰空坑敗潰卒意公所向公空隨護公命五百
拏手斫山樹爲鹿角池隘道阻之勢入負傷至則五百拏
手已摧踣不支公聞之夫人驚問其由追騎已林立於前

夫人與佛生柳小姐環小姐顏孺人黃孺人等皆爲俘虜
夫人沿路意有深水險崖卽投死而一路坦平至元帥所
已矣佛生必有愛其俊秀養爲己子矣

戊寅 宋景炎三年

二月進兵惠州海豐縣三月屯麗江涌衝遣間使沿海訪問
車駕六月行朝至厓山行府移船澳規入覲八月授少保信
國公職任依舊封母曾氏齊魏國夫人九月齊魏國夫人薨
自起復十一月進屯潮州潮陽縣十二月十五日移屯趨海
豐二十日爲虜騎追及於道軍潰被執服腦子不死見張元

文信國公集

卷十七

紀年錄

三

帥抗節不屈張待以客禮

四月十六日大行皇帝遺詔曰朕以幼冲之資當艱厄之
會方大皇命之南服馳勉于行及三宮胥而北遷悲憂欲
死卧薪之憤飯麥不忘奈何乎人猶託於我涉颶而肇霸
府次闕而擬行都吾無樂乎爲君天未釋於有宋强膺推
戴深抱懼慚而夷虜無厭氛祲甚惡海桴浮避澳岸棲存
雖國步之如斯意時機之有待乃季冬之月忽大霧以風
舟楫爲之一摧神明拔於旣溺事而至此夫復何言矧驚
魂之未安奄北哨其已及賴師之武荷天之靈連瀆於危

以初所往沙洲何所垂闕十旬氣候不齊積成令疾念衆
心之鞏固忍萬古以違離藥非不良數不可追惟此一髮
千鈞之託幸哉連枝同氣之依衛王某聰明夙成仁孝天
賦相從險阻久繫本根可於樞前卽皇帝位傳璽綬喪制
以日易月內庭不用過哀梓宮毋得輒置金玉一切務從
簡約安便州郡權暫奉陵寢嗚呼窮山極川古所未嘗之
患難涼德薄祚我乃有負於臣民尙竭至忠共持新運故
茲詔示想宜知悉十七日祥興皇帝登寶位詔曰朕勉承
丕緒祇若令猷皇天付中國民旣動用德聖人居大寶位

文信國公集

卷十七

紀年錄

五

曰守以仁藐茲渺冲適際危急惟我朝之聖神繼統而家
法以忠厚傳心滲漉在人億萬年其未泯遭逢多事百六
數之相乘先皇帝聰明出乎羣倫孝友根於天性痛憤三
宮之北未嘗一日而忘遺大投艱丕應後志除兇刷恥惟
懷永圖託於神明辱在草莽上霧下潦之所偃薄洪濤巨
浪之所震驚謂多難以殷憂宜祈天而永命胡甯予忍而
不其延日月爲之無光社稷凜乎如髮攀髯何及繼志其
誰以趙孤猶幸僅存盍使爲宗祧之主以漢賊不容兩立
庶將復君父之讐大義攸關輿情交迫閔予小子遭家不

造而况斯今於前甯人圖功攸終其難莫甚尙賴元勳宿
將義士忠臣合志而并謀協心而畢力敵王所愾扞我於
難茲用大布寬恩率循彝典於以導迎和氣於以迓續洪
休可大赦天下於戲人心有感則必通世運無往而不復
成誦雖幼有周甯後於四征少康之興祀夏實基於一旅
往求攸濟咸與維新七十八十九日文武百官請大行
皇帝几筵殿早晚臨二十日卒哭行香二十一日以登極
差官奏告天地初獻張世傑亞獻趙潛終獻林永年奉禮
郎潘岳丁應張太祝陶士遜太官令辛大濟宗廟初獻會

文信國公集

卷十七

紀年錄

三

淵子陸秀夫亞獻蘇景瞻辛巖終獻賈純孝茅相奉禮郎
王子宜張祺孫太祝朱拱戊趙時倂社稷初獻蘇劉義亞
獻劉鼎孫終獻趙蒙奉禮郎傅半千曹邵太祝徐天麟二
十二日丙批百官議謚號孝恭仁裕懿聖濬文英武勤政
皇帝廟號端宗二十三日太皇太后加上尊號

鄧傳云五月公始聞端宗皇帝晏駕於化州之礪川今上
卽位以明年爲祥興初三日礪川神龍見祥臣庶咸觀合
議優異礪川可升爲祥龍縣置令丞簿尉隸化州免租稅
諸色科糴五年五月二十五日丙批文壁除權戶部侍郎

廣東總領兼知惠州六月公親入覲爲張世傑所格不得
進遣使奉表起居仍自劾督師罔功降詔獎諭詔曰勅天
祥才非盤錯不足以別利器時非板蕩不足以識忠臣昔
聞斯言乃見今日卿早以魁彥受知穆陵厯事四朝始終
一節虜氛正惡鞠旅勤王皇路已傾捐軀殉國脫危機於
虎口涉遠道於鯨波去桀就湯可觀伊尹之任歸周辟紂
咸喜伯夷之來方先皇側席以需賢乃累疏請身而督戰
精神鼓動意氣慨慷以匈奴未滅爲心棄家弗顧當王事
靡盬之日將母承行忠孝兩全神明對越雖成敗利鈍非

文信國公集

卷十七

紀年錄

三

能逆睹而艱難險阻亦旣備嘗如精鋼之金百鍊而彌勁
如朝宗之水萬折而必東尙遲赤舄之歸已抱烏號之痛
朕勉當繼紹未有知思政茲圖任舊人克戡多難俟來候
吏疊覽封章歸然靈光之固存此殆造物者陰相胡然引
咎益見勞謙至如諗問之勤備悉忱悃之至朕今吉日旣
戒六月于征倚卿愛君憂國之忠成我刷恥除兇之志緬
懷耆俊深切歎嘉公又奏乞除鄒鳳石文殿修撰樞密都
承旨江西安撫副使兼同都督府參謀官趙孟深遙縣郡
團練使左驍衛將軍江西招捕使兼同提刑都督府諮議

官杜濬遷行軍器監廣東招諭副使兼同都督府參議官
鄒臻帶大府寺丞同都督府參議官陳龍復帶行兵部廣
東招諭司使兼同都督府參議官章從範帶行閣門祇候
同都督府計議官邱夢雷林琦葛鍾各帶行架閣同都督
府幹辦公事朱文翁同都督府準備差遣旨特依奏除公
又奏潮循梅三郡弁已取到返正狀乞將陳懿除右驍衛
將軍知潮州兼管內安撫使張順帶行環衛官權知循州
李英俊帶行閣門祇候差梅州通判暫權州事旨特依奏
交璋帶行大理寺丞知甯武州公欲移軍入朝優詔不許

文信國公集

卷十七

紀年錄

三

公欲入廣州凌震王道夫始復廣自恣憚公望重陽遣舟
迎中道散回遂不果自去冬宜中遁占城世傑以樞副柄
國日以迎候宜中還朝爲辭蓋諸大將嘗受宜中超擢樂
其寬縱忌公英氣或以副貳受節制意不使其至八月授
少保信國公封母曾氏齊魏國夫人同都督府官屬各轉
五官金三百兩犒軍公以書抵秀夫天子冲幼宰相遁荒
制詔勅令出諸公之口豈得不恤軍士以游詞相拒秀夫
太息不能答時局督爲疲死者數百公亦數病九月六日
母曾夫人薨遣使宣祭十月長子道生卒陳懿兄弟五

人號五虎本劇盜據潮州數叛附人苦其虐又不聽同督
府節制公聲其罪討之懿走山寨潮士民請移行府於潮
十一月進屯潮州潮陽縣寇見攻逆稍正天討假以歲月
因潮之民阻山海之險增兵峙糧以立中興根本亦吾國
之莒卽墨也劉興爲潮宿寇叛服不常據數郡跋扈殺掠
尤慘遂誅之十二月十五日聞北帥張宏範自明秀步騎
水陸并進乃入南嶺柵險自固二十日宏範以水陸兵奄
至公引避山谷行且數日虜輕騎疾馳追及於道軍潰被
執求死於鋒鏑不可得服腦子以必得冷水乃死告監者
以渴甚於田間蹄涔中掬水飲之時公病旬餘遂泄瀉
而日地竟不得死越七日至虜營踴躍請劍宏範知不能
屈乃曰殺之名在彼客之名在我且天祥見伯顏臯亭山
吾嘗在傍遂以平揖相見紱問關州客禮蓋歲除前三日
也先是適鄒淵等自江西以民兵數千至公少留勞之又
駐和平市攻陳懿黨與駐軍造糧亦意後隔海港步騎未
能遽前懿以間罪窘迫百計不能救解乃挾重賄迎導北
帥張宏正潛具舟海并濟輕騎直指督帳公坐虎皮胡牀
與客飯五坡嶺不意虜至遂被執

文信國公集

卷十七

紀年錄

三

乙卯 宋祥興元年

正月二日張元帥下海置子舟中初六日發潮陽初八日過官富場十三日至厓山二月六日厓山行朝潰三月十三日虜舟還至廣州張元帥遣都鎮撫石嵩護子北去以四月二十二日行五月二十五日至南安軍明日東下鑰子於船二十八日至贛州六月一日至吉州初五日過隆興十二日至建康囚邸中八月二十四日北行涉江頗有事會不濟二十六日至揚州九月七日哭母小祥於邳州初九日至徐州十一日至東平府二十日至河間二十一日至保定府十月

文信國公集

卷十七

紀年錄

五

日至燕初至立馬會同館前館人不受蓋謂館以受投拜人不受罪人也久之引去一小館置子於偏室館人不之顧次日晚供帳飲食如上賓館人云稟博羅丞相得語云然初四日張元帥者始至初五日見其用事大臣具言子不屈狀至午送子於兵馬司枷項縛手坐一空室衛防甚嚴所攜衣物錢銀官爲封識且給鈔一錢五分爲飲食坐十餘日然後解手縛又坐十餘日得疾十一月二日疏枷惟繫頸以鍊得出戶負暄初五日赴樞密院院官不及見自是日赴院輒空歸至初九日院官始引問院官者博羅丞相張平章有所謂院

判發院等不能識也。俯坐召見予，入長揖。通事曰：跪予曰：南之損卽北之跪。吾南人行南禮，畢可贊跪乎？博羅曰：左右曳予於地，予坐不起。數人者或牽頸或擊手，或按足，或以膝倚予背，強予作跪狀。予動不自由。通事曰：汝有何言？予曰：天下事有興有廢，自古帝王以及將相滅亡，誅戮何代無之？天祥今日忠於宋氏社稷，以至於此，幸早施行通事曰：更有何語？止此乎？予曰：我爲宋宰相，國亡職當死。今日擊來法當死，復何言？博羅曰：你道有興有廢，且道盤古王到今日是幾帝？幾王？我不理會，得爲我逐一說來。怒甚曰：一部廿七史從何

文信國公集

卷十七

紀年錄

七

處說起我今日非赴博學宏詞科不暇，泛言博羅愧死云。我因興廢故問及古今帝王，你既不肯說，且道古時會有大臣將宗廟城郭土地分付與別國人了，又逃走，去有此人否？予曰：謂子前日爲宰相，奉國與人而後去之，耶？奉國與人是賣國之臣也。賣國者有所利而爲之，必不去去者，必非賣國者也。我前日除宰相不拜，奉使伯顏軍前，尋被拘執已而有賊臣者，獻國亡我本當死，所以不死者，以度宗皇帝二子在浙東，老母在廣，故爲去之之圖耳。博羅曰：德祐嗣君非爾君耶？曰：吾老也，曰：棄嗣君別立二王，孰向是忠臣？予曰：德祐君

君也不幸而決國當此之時社稷爲重君爲輕吾別立君爲
宗廟社稷計所以爲忠臣也從彙愍而北者非忠從元帝爲
忠從徽欽而北者非忠從高宗爲忠博羅語塞平章皆笑一
人忽出來曰晉元帝宋高宗皆有來歷二王何所受命張平
章曰玉王是逃走庶人立得不正是篡也予曰景炎皇帝乃
度宗皇帝長子德祐皇帝之親兄如何是不正登極於德祐
已去天位之後如何是篡陳丞相奉二王出宮具有太皇太
后分付言語如何是無所受命諸人無辭堅以無受命爲解
予曰天與之人與之雖無傳受之命推戴擁立亦何不可諸

文信國公集

卷十七

紀年錄

美

人但支離不伏子曰仁者見之謂之仁知者見之謂之知各
是其是可也博羅云你旣爲丞相若將三宮走方是忠臣不
然引兵出城與伯顏丞相決勝負方是忠臣子曰此說可以
青陳丞相不可以責我我不曾當國故也又曰你立二王做
得甚功勞子曰國家不幸喪亡予立君以存宗廟存一日則
臣子盡一日之責何功勞之有曰旣知做不得何必做曰人
臣事君如子事父父不幸有疾雖明知不可爲豈有不下藥
之理盡吾心焉不可救則天命也今日文天祥至此有死而
已何必多言博羅於是怒見之辭色云你要死我不殺你便

死禁持你子曰我以義死禁持何事也博羅愈怒云云通事亦不以轉告予不答遂呼獄令吏云將下去別聽言語初十日冬至入假予意假滿卽見殺乃囚在獄中久無消息十二日半後一令史報云丞相語獄官宣差烏馬兒云文丞相性濟硬不硬又二日令史報云博羅語烏馬兒遲數日更與文丞相說話會歲終釋放諸囚烏馬兒語博羅獄囚皆已寬放惟文丞相一人在獄博羅云我奏却來喚你博羅至今重於一喚者愛予之硬也予誓死決矣此行決死在於再說話之頃昔人云薑桂之性至老愈辣予亦云金石之性要終愈硬

文信國公集

卷十七

紀年錄

五

性可改耶予自記一宗入獄本末於此曰予死矣庶幾有知予心者

所記言語大畧如此當時泛應尙多不能盡記己卯除日書自古中興之君如少康以遺腹子起於一旅一成宣王承厲王之難匿於召公之家周召二祖立以爲王幽王廢宜曰立伯服爲太子犬戎之亂諸侯迎立宜曰是爲平王漢光武起南陽爲帝蜀先主帝巴蜀皆是出於推戴何論有無傳授之命如唐肅宗卽位靈武不稟命於明皇却類於篡然功在社稷天下後世猶無甚貶焉禹傳益不傳啟天下之人曰啟吾

君之子謳歌朝覲訟獄者歸之焉漢文帝只是平勃諸臣所
一立豈有高祖惠帝呂后之命耶春秋亡公子入爲君者何限
齊桓晉文其大者也何謂逃走不當立葬之於夏莽丕之於
漢方是篡德祐亡而景炎立謂之篡何居可惜當時不曾將
此一段言語敷陳頗有餘憾

鄧傳云正月十三日至厓山張元帥索公書諭張世傑降
公曰我不能救父母乃教人背父母可乎強之急乃書過
零丁洋詩與之宏範笑而置之二月六日厓山潰公不勝
悲憤作長歌哀之南北傳誦三月十三日還至廣州公曰

文信國公集

卷十七

紀年錄

五

俟北方生殺之命宏範於公禮貌日隆盡取公所亡妾婢
僕役以奉之十四日宏範置酒海上會諸將因舉酒從容
謂公曰國亡矣忠孝之事盡矣正使殺身爲忠孝誰復書
之丞相其改心易慮以事大宋者事大元大元賢相非丞
相而誰公流涕曰國亡不能救爲人臣者死有餘罪况敢
逃其死而貳其心乎殷之亡也夷齊不食周粟亦自盡其
義耳未聞以存亡易心也宏範爲之改容是日宏範具公
不屈與所以不殺狀奏於朝四月十一日使臣還言上有
誰家無忠臣之歎旨令善視公以來公曰使予死於兵死

於刑則已矣而萬里行役不得逃焉命也或曰明知其不可而爲之奈何曰吾所謂盡心者人人諉天下之責古今世道不屬之人乎是烏可以成敗爲是非哉二十二日北行與厓山朝士鄧光薦俱發廣州五月二十五日至南安軍石嵩與囊家多議出江西慮篡奪遂鑰公於船公卽絕粒爲告祖禰文別諸友詩遣孫禮取黃金市登岸馳歸約六月二日復命於吉城下公將以心事白諸幽明卽瞑目長往含笑入地矣乃水盛風駛前一日達廬陵孫禮期不至公且行忍死以待垂至豐城忽有見孫禮在他舟乃悟

文信國公集

卷十七

紀年錄

五

竟不曾往爲之痛哭流涕暮始見王者取孫禮還舟明早飯已送之豐城岸從其自便追之不可及矣公不食已八日若無事然公私念死廬陵不失爲首邱今使命不達委身荒江盍從容以就義乎遂復飲食如初從者七人或逃或死或逐僅存一人曰劉榮六月初五日至隆興觀者如堵北人有駭其英毅者曰諸葛軍師也十二日至建康十三日鄧光薦以病遷寓天慶觀就醫留不行八月二十四日石嵩等以公自東陽渡江淮士有謀奪公江岸者不果以宏範命兵衛夾舟陸至揚州故也十月一日公至燕供

帳飲饌如土賓公義不寢食乃坐達旦雖示以骨肉而不
願許以官職而不從南冠而囚坐未嘗面北留夢炎說之
被其唾罵瀛國公在說之一見北面拜號乞回聖駕半章
阿合馬入館驛坐召公公至則長揖就坐馬云以我爲誰
公云適聞人云宰相來馬云知爲宰相何以不跪公云南
朝宰相見北朝宰相何跪馬云你何以至此公曰南朝早
用我爲相北可不至南南可不至北馬顧左右曰此人生
死尙由我公曰亡國之人要殺便殺道甚由你不由你馬
默然去博羅欲殺公而上意及諸大臣不可張宏範病申

文信國公集

卷十七

紀年錄

四

亦表奏天祥忠於所事願釋勿殺故囚之連年冬於獄中
遇靈陽子指示大光明正法公自謂於死生之際脫然若
遺自是詩文時有超灑忘世之意公獄中與弟書曰廣州
不死者意江西可以去之及出南安繫吾頸繫吾足於是
不食將謂及吉州則死首邱之義也乃五日過吉又三日
過豐城無飯入日不知飢既過吉思之無義且尙在江南
或尙有生意遂入建康居七十餘日果有忠義人約奪我
於江上蓋眞州境也及期失約惘然北行道中求死無其
間突入幽州下之袿行枷鎖鎖手節其飲食今已二十日

吾舍生取義無可言者今千萬寄此及詩達吾弟蓋此筆也

庚辰

是歲囚

五月弟璧自惠州入覲右丞相帖木兒不花奏其畧曰此人是文天祥弟上曰那箇是文天祥博羅對曰卽文丞相上歎嗟久之曰是好人也次問璧右丞相奏是將惠州城子歸附底上曰是孝順我底

辛巳

文信國公集

卷十七

紀年錄

聖

是歲囚

正月元日公爲書付男陞公在經綫中放意文墨北人爭傳之公手編其詩盡年已歲爲五卷自譜其平生行事一卷集杜甫五言句爲絕句二百首且爲之敘其詩自五羊至金陵爲一卷自吳門歸臨安走淮至閩詩三卷號指南錄以付弟璧歸夏璧與孫氏妹歸公剪髮以寄永訣與弟書曰潭盧之西坑有一地已卽元涓陽所獻月形下角穴第淺露非其正其右山上有穴可買以藏我如骨不可歸招魂以封之陞子嗣續吾死奚憾女弟一家流落在此可

爲悲痛吾弟同氣取之名王言順宜極力出之自廣達建
康日與中甫鄧先生居其知吾心事吾銘當以屬之若時
未可出則姑藏之將來文山宜作一寺我廟於其中七月
大雨兵馬司牆壁頽落移司宮籍監得一室頗瀟灑十一
日回舊兵馬司得一室地高燥空涼八月返故處依然臭
穢蒸溼

壬午

是歲春作贊擬終時書之衣帶間敍云吾位居將相不能救

社稷正天下軍敗辱爲囚虜其當死久矣頃被執以來欲

文信國公集

卷十七

紀年錄

望

引決而無間今天與之機謹南向再拜以死其贊曰孔子成
仁孟云取義惟其義盡所以仁至讀聖賢書所學何事而今
而後庶幾無媿宋丞相文天祥絕筆

鄧傳云正月二十後公卧病發熱石髻穀道傍患癰二月

四日流膿平生痛苦未嘗有此是時南人仕於朝者謝昌

元王積翁程飛卿青陽夢炎等十人謀合奏請以公爲黃

冠師冀得自便青陽夢炎私語積翁曰文公贛州移檄之

志鎮江脫身之心固在也忽有妄作我輩何以自解遂不

果八月王積翁具畧言南方宰相無如文天祥上道諭

旨謀授以大任昌元積翁等以書諭上意公復書數年於
茲一死自分舉其平生而盡棄之將焉用我事遂寢後積
翁又奏其畧曰文天祥宋狀元宰相忠於所事若釋不殺
因而禮待之亦可爲人臣好樣子上默然久之曰且令千
戶所好好與茶飯者公聞之使人與積翁吾義不食官廩
數年矣今一旦飯於官果然吾且不食積翁乃不敢言公
死後有以危言憾積翁者積翁曰得從龍逢比干遊地下
足矣言者遂止積翁累以銀物餉公福王與芻聞其不屈
歎曰我家有此人耶節以銀百兩屬積翁轉致之公因繫

文信國公集

卷十七

紀年錄

墨

久翰墨滿燕市時與吏士講前史忠義傳無不傾聽感動
其長李指揮魏十戶奉事之尤至麥述丁參政嘗聞省江
西見公出師震動無言殺之便又以公罪人下千戶所
收其棋奕筆墨書冊初闈僧妙曦號琴堂以談星見是春
進言十一月上星犯帝座疑有變羣臣有言瀛國公族在
京不便者而中山府薛寶任聚數千人聲言是眞宋幼主
要來取文丞相又有書於牘者曰兩衛軍儘足辦事丞相
可以無慮又曰先焚城上葦子城外舉火爲應大臣議所
謂丞相疑爲天祥太子得牘以奏京師戒嚴遷趙氏宗族

往開平北十二月初七日司天臺奏三台折初八日上下
天祥入殿中長揖不拜左右強之拜跪或以金撾摘其膝
傷公堅立不爲動上使諭之其畧曰汝在此久如能改心
易慮以事亡宋者事我當令汝中書省一處坐者天祥對
曰天祥受宋朝三帝厚恩號稱狀元宰相今事二姓非所
願也上曰汝何所願天祥曰願與一死足矣遂麾之退是
夜回宿千戶所初九日宰執奏文天祥既不願附不若如
其請賜之死麥述丁力勸之上遂可其奏是日宣使以金
鼓迎詣市公欣然曰吾事了矣及行顏色不少變至刑所

文信國公集

卷十七

紀年錄

器

問左右孰南向於是南向再拜曰臣報國至此矣遂受刑
得年四十有七時連日大風埃霧日色無光都城門閉甲
卒登城街對鄰不得往來行不得偶語時翰林學士趙與
稟以宋宗室亦被監閉一室諸衛士弓刀環席地坐聞門
外弓馬馳驟聲者久之人競穴窺窺乃是出丞相頃之又
聞馳騎過者及回乃聞有旨教再聽聖旨至則已受刑明
日歐陽夫人從東宮得令旨收屍江南十義士奉柩葬於
鄱城小南門外五里道傍爲他日歸骨便路後大德二年
戊戌男翌至都城見公舊婢綠荷已嫁順承門內石橋織

變人及見劉半子引到墓所自後留都城春秋必往酌奠
墓拜時已有二僧瘞其大塋小石碑刻有信公二字舊殯
在大塋南右址又有畔塋外有墓林聚塚在大路傍

至元二十年癸未歲公柩歸至故里時弟璧任臨江路總
管兼府尹辦喪葬男陞祇奉几筵舊歲壁遣家人至廣遷
奉母曾夫人靈柩是日適與公柩舟會於江潯人咸驚歎
以爲孝念所感不期而會二十一年甲申葬公富田東南
二十里木湖之原葬師則吉水王仁山也陞廬墓三年世
傳吉州太和縣贛江濱黃土潭有神物棲其間歲亢旱邑

李國公集

卷十七

紀年錄

壘

民禱雨澤焉自公之生潭沙清淺公沒之歲潭近居民夢
神物歸騶從甚盛卽而覩之乃公也旣而聞之死諸老驚
相語曰公兩任贛州提刑去往輒江水泛溢其勤王召募
江泛溢尤甚師行而水同去又公家居常暑日喜溪浴與
奕者周子善於水面以意爲枰行奕決勝負他人久浸不
自堪皆走惟公逾久逾樂忘日早暮或取酒炙就飲啖是
應神物出世沒而爲神自其常也潭是後又深黑不可測
矣公平生嗜象奕以其危險制勝奇絕者命名自玉層金
鼎至單騎見虜爲四十局勢圖悉識其出處始末玉層蓋

公所居山名也又傳公方爲童子時游鄉校見所祀鄉先生歐陽修楊邦乂而下咸謚忠節祠祝像設甚嚴意欣然慕之竊歎曰沒不俎豆是聞非夫也故出而舉事志氣素定雖崎嶇萬折終不撓屈後至治三年癸亥吉安郡庠奉公貂蟬冠法服像與歐陽文忠公修楊忠襄公邦乂胡忠簡公銓周文忠公必大楊文節公萬里胡剛簡公夢昱序列祠於先賢堂士民復於城南忠節祠增設公像以肯齋李芾配廬陵舊有四忠一節之稱今爲五忠一節云

歐陽夫人難後與二女柳小娘環小娘服道冠髮日誦道

文信國公集

卷十七

紀年錄

吳

經居大同路豐州栖真觀大德二年戊戌冬以年老不禁寒凍得請向南去至都城男陞迎養遇時節夫人輒嗟歎舊家典故陞亦爲辦南食品邀鄰嫗伴坐諸士大夫謁拜所餽遺命女侍專收貯不他用大德七年癸卯臘至甯州時從子隆子任甯州判官明年歸故里凡親友餽遺仍專收貯之又明年正月夫人曰吾海上禍亂中叩之神祇乞保庇擬建靈寶醮筵以謝又叩佛氏乞保庇擬建水陸齋供以謝寓豐州累申前請今得生還拜神福之賜合以已所得餽遺正月元夕酬道醮二月八日酬佛供畢此心願

卽死瞑目矣二月望得痰疾越四日家人諸婦侍疾壇壇
語平昔寧如常時問浣婢索衣上舊香囊浣婢見損汚甚
已棄之矣急拾至夫人持示諸人曰此伴吾未嘗須臾離
也落齒時得之父母祭文云烈女不更二夫忠臣不事二
主天上地下惟吾與汝得之丞相吾死必仍懸吾心前將
以見吾父母見吾夫於地下爲無媿也頃之命諸人退俟
吾少休諸人候窗外聞伏枕痰響就視則氣已絕實大德
九年乙巳歲二月十九日也葬富田南二十里洞源

文信國公集

卷十七

紀年錄

是

文信國公集卷十七終



